

L20

Masese na Yesu II

Baleson 9 ya ecodim po na bana



“Ministères pour Chaque Enfant”

DR Congo Edition 2019

ecmafrica@ecmafrica.org

MASESE NA YESU 2 (Ba Leson 9)

Ba Leson oyo ezali na mokanda oyo :

Leson 1. Lisese etali kolimabesa-- Ndeko moko atikelaki ndeko na ye niongo te,	3
Leson 2. Lisese oyo etali losambo: Zuzi moko ná mwasi moko oyo akufelaki.....	11
Leson 3. Lisese etali Kosalisa Bandeko. Moto malamumu ya Mokili ya Samarie.	15
Leson 4. Lisese etali lolendo pe komikitisa—Losambo ya Pharisien ná Mofutisi ya Pako.....	23
Leson 5. Lisese etali Kotelema ngwi na kondima -- Bampika tatu.....	30
Leson 6. Lisese etali bomoi sima ya kufa ya Bato mibale oyo bakufaki.....	38
Leson 7. Lisese etali eyano na biso na Maloba na Nzambe - Bana mibali mibale oyo Tata atindaki na bilanga.	44
Leson 8. Lisese etali eyano na biso na Yesu - Ndeko moko adefisaki bato bilanga na ye.....	50
Leson 9. Lisese etali eyano na biso na Yesu – Bato oyo baboyaki koya na fete monene	55

MASESE NA YESU 2 (Ba Leson 9)

Leson 1. Lisese etali kolimabesa-- Ndeko moko atikelaki ndeko na ye niongo te, Matié

18 :21-35

Tina ya Leson :

Na SUKA YA LESON oyo, bana bakososola ete Nzambe alingi biso bakristu tolimabesa bato oyo basala biso mabe, po Nzambe alimbisi biso na makambo mingi. Yango wana, tokozala lombangu na kolimbisa bato mosusu.

Verset ya Koyekola: Efeze 4:32

32 Kasi bólinganaka, bosalisanaka pe bólimbisanaka moninga Nzambe alimbisaki bino po na Kristo.

Verset po na bana mike:

« ...Moto nyonso esengeli . . . alimbisa . . . Nzambe alimbisiki biso. »

Banzembo oyo ezali kotambola nzela moko ná leson oyo :

Tolingana

Mikumba Nyonso

Masumu Na Ngai Ekeyi

Na laki Kolanda Yesu (Verse ya suka—Tolimbisa Bato mosusu)

Jacob amonaki Emатели (Verse ya suka—Tolimbisa Bato mosusu)

Ebandeli:

Makambo azalaki kosilika na lombangu. Tango azalaki kosilika mbala mingi zalaki koloba makambo oyo ezalaki kokoka te na miso ya bandeko. Azalaki kosambela Nzambe asalisa ye na likambo wana. Akendeki na moninga na ye Mayele pona kosenga ye pardon. Mayele alimbisaki ye na esengo.

Kasi sima mikolo muke, Makambo azwaki lisusu kanda. Alobaki lisusu maloba ya kitoko te. Sima, Asosolaki na lombangu ete asali mabe. Akendeki lisusu epai ya Mayele kosenga pardon. Kasi mbala oyo, Mayele alingaki te kolimbisa ye. « Oyo mbala ya mibale osali kaka likambo yango moko, » Alobaki. « Mbala oyo, bolimbisi ezali te. Oyo osali eleki! Kende kaka. Nayebi yo lisusu te. »

Na Leson na biso ya Bible lel'oyo, tomonaki nini Yesu ateyaki na oyo etali bolimbisi. Yesu azalaki koteya bayekoli ndenge nini bakoki lisusu kozala na moto awuti kosala yo mabe. Sima ya Kanda wana, Pierre atunaki Yesu ete, « Mbala boni nakoki kolimbisa ye ? Mbala 7 te ? » Pierre amonaki ete mbala 7 ekozala mingi. Kasi Yesu azongisaki ete: « Te, mbala 7 te, kasi 7 mbala

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

tuku sambo 70» (Matié 18 :21-22). Sima, Yesu ateyaki liseke po na koteya lisusu likambo oyo ya bolimbisi.

Malakisi Monene ya Leson oyo na Biteni 8 :

1.1 Mokonzi moko alingaki ete bato na ye ya Mosala asilisa baniongo na Ye.

Tangela bana: Matié 18:23

23 Na mboka na ye, Nzambe akosala lokola mokonzi moko oyo abengaki basali na ye po na kotala makambo ya nyongo na ye.

Tuna bana oyo ya mike:

- Na liseke oyo Yesu alobaki, Mokonzi alingaki bato kosala nini? (Kofuta baniongo oyo bazalaki na yango.)

Tuna bana nyonso:

- Nani moto ya liboso oyo tomoni na liseke oyo? (Mokonzi ya Mosala) Mokonzi wana, Alingaki nini? (Alingaki ete, bato na ye ya Mosala oyo bazalaki na baniongo na ye, bafuta yango.)

Tuna bana oyo bakolá:

- Yesu akokisi Liseke oyo na nini? (Na bokonzi na Nzambe)
- **NB:** Bokonzi na Nzambe ezalaki phrase oyo Yesu asalelaki mingi. Moninga Matié akomaki masese, mbala ebele ezali kobanda na maloba oyo, « Bokonzi na Nzambe ekokani na . . . » Po na nini bokonzi ete bazali kosalela phrase wana ? (Ezali kolakisa biso ndenge nini bato bazali kobika bokonzi na Nzambe. Yango wana, ezali koyebisa biso bakristu lolenge esengelili tobika soki Yesu azali kokamba bomoi na biso.)

Bana basala po na kolakisa nini esalemaki :

Bana nyonso basala lokola bazala Bakonzi ya Mosala. Baloba makasi ete: "Bozali na niongo na ngai. Bofuta yango ! »

Bana bayemba pe babina:

Beno oyo bozali na niongo, bofuta yango!

1.2 Ndeko moko azalaki na niongo monene, pe akokaki te kofuta yango. Esengelaki ete ye ná famille nyonso ná bana, bakoma bawumbu po na kosilisa niongo wana. Matié 18 :24-25

Kotangela bana: Matié 18 :24-25

24 Tango abandi kotala makambo yango, bamemeli ye mosali moko azalaki na nyongo na ye mingi penza mayele té!

25 "Moto wana azalaki na mbongo ya kofuta nyongo yango té. Yango wana mokonzi atindi báteka ye lokola moumbu, ná mwasi na ye pe bana, ná biloko nyonso oyo azalaki na yango, po na kofuta nyongo.

Tuna bana oyo ya mike:

- Ndeko moko ya Mosala azalaki na niongo moko monene to ya muke? (Ya moneeeeeeene)
- Azalaki na moninga ya kofuta yango, to te? (Te, te, te, te, te.)
- Lokola azalaki na moninga ya kofuta niongo wana te, balingaki koteka ye ná famille na ye lokola bawumbu. Ee to te ? (Ee. Balingaki koteka bango nyonso.)

Tuna bana nyonso:

- Bamemelaki mokonzi nani? (Moto ya Mosala oyo azalaki na niongo ya bamilion ya misolo.)
- Boni, moto wana azalaki na na makoki ya kofuta niongo wana ya monene? (Bongo te ata muke.)
- Mokonzi alingaki kosala nini pona kosilisa niongo wana? (Koteka ye, famille na ye nyonso, ata bana na ye, pe biloko na ye nyonso.)
- Ye ná famille bakoma nini? (Bakokoma bawumbu.)

Tuna bana oyo bakolá:

- Moninga ekomami liboso na Bible, na munoko ya Grec, niongo na ye elakaki mutuya ya lifuta ya bambula 20 x 10,000. Oyo lifuta ya bambula boni? (Bambula 200,000 !)
- Atako moto asali makasi na bomoi na ye nyonso, boni, akoki kofuta niongo ya boye? (Bongo te ata muke. Makoki ekozala te ata muke.)
- Na tango ya Bible, bato bazalaki kokóma bawumbu soki badefi misolo to mbongo, kasi sima, bakoki kozongisa yango te. Moto wana ná famille na ye bakokóma bawumbu kino tango bakosilisa niongo wana. Soki moto oyo akómàka mowumbu ná famille na ye, boni, bakokaki kosilisa niongo wana bomoi na bango? (Bongo te ata muke. Monene ya niongo oyo elekaki mingi, mingi, mingi.)

Bana basala po na kolakisa nini esalemaki :

Bana balakisa biloko oyo bayebi ete ezali monene, ndakisa Ngomba. Tango nionso bakoloba ete: "Niongo na ye ezali monene koleka yango!"

Bana bayemba pe babina:

Niongo moto esengeli afuta
Kasi makoki ezalaki te.

1.3 Moto ya niongo wana abondelaki mokonzi ayokela ye mawa. Abombelaki ye ngonga kosilisa niongo wana. Matié 18:26

Kotangela bana: Matié 18:26

26 Mosali wana afukameli mokonzi pe abondeli ye, alobi: 'Mokonzi, kitisa motema, pesa ngai mwa mikolo, pe nakofuta nyongo na yo.'

Tuna bana oyo ya mike:

- Boni, moto ya niongo wana asengaki na mokonzi ayokela ye mawa ? Ee to te ? (E, e, e, e, e.)

Kotuna bana:

- Moto ya niongo wana asalaki nini? (Abondelaki mokonzi na ye ete ayokela ye mawa pe apesa ye ngonga kofuta yango.)
- Asengaki nini na mokonzi? (Pardon, yokela ngai mawa.)

Tuna bana oyo bakolá:

- Moto ya niongo asengaki ete mokonzi ayokela ye mawa, akofuta nyonso. Boni, akanisaki ete akokaki kosilisa niongo wana? (Bongo te. Ayebaki malamumu ete akokoka kofuta kaka ndambu muke ya niongo wana. Oyo azalaki kaka lolenge ya koloba. Akosala makasi kofuta nyonso oyo akokoka.)
- Boni, okanisi ete mokonzi na Yé akanisaki ete akoki kosilisa yango? (Bongo te. Ye pe ayebaki ete lolenge ya koluka yango ezalaki te.)

Bana basala po na kolakisa nini esalemaki :

Bana nyonso bafukama, balela ete, "Pardon, mokonzi, yokela ngai mawa."

Bana bayemba pe babina :

Abondeli mokonzi mokonzi

Koyokela ngai mawa.

1.4 Mokonzi ayokelaki ye; Alandaki lisusu niongo wana te. Matié 18:27

Kotangela bana: Matié 18:27

27 Mokonzi ayokeli ye mawa, alimbisi ye, pe atiki ye ákende.

Tuna bana oyo ya mike:

- Tango moto wana asengaki mawa, boni, Mokonzi ayokelaki ye mawa? Ee to te? (E, e, e, e, e.)

Tuna bana nyonso:

- Nini esalemaki na niongo wana? (Mokonzi alandaki yango lisusu te.)
- Mokonzi ayebisaki ye kosala nini? (Kende na yo.)

Bana basala po na kolakisa nini esalemaki :

Bana bafukama, yo moniteur zala lokola Mokonzi. Otelemisa bango moko-moko, loba ete, « Nakolanda niongo na yo lisusu te. Kende na yo. » Mwana wana atelemaki na esengo.

Bana bayemba pe babina:

Nzembo: Masumu na Ngai Ekeyi

1.5 Sima, moto wana akendeki kokutana ná moto oyo azalaki na niongo na ye ya muke; akangaki moto wana makasi kaka asilisa niongo wana. Matié 18 :28

Kotangela bana: Matié 18:28

28 "Tango mosali wana abimi, akutani ná moninga na ye ya mosala oyo adefaki mwa ndambo ya mbongo epai na ye. Bongo asimbi ye na mongongo pe afini ye makasi, alobi na ye: 'Futa nyongo na ngai!'

Kotuna bana:

- Moto oyo Mokonzi ayokelaki mawa, akokutanaki na nani? (Moninga oyo azalaki na niongo na ye ya muke.)
- Akangaki moto yango wapi? (Na kingo.)
- Boni, tokangaka moto na kingo mikolo nyonso? (Bongo te. Oyo elakisi ete azalaki na makasi mingi na ye. Kokanga moto na kingo ezali likama. Ekoki koboma moto.)
- Ayebisaki moninga na ye kosala nini? (Kofuta ye niongo.)

Bana basala po na kolakisa nini esalemaki :

Bana nyonso basala lokola bazali kokanga kingo ya moto imaginaire. Baloba na kanda ete, "Futa niongo ngai!"

Bana bayemba pe babina:

(Na kanda) "Futa ngai! Futa ngai!"

1.6 Moto wana abondelaki ye koyekela ye mawa, kasi andimaki te, atiaki moto yango na boloko. Matié 18:29-30

Kotangela bana: Matié 18:29-30

29 Moto wana afukameli ye, pe abondeli ye boye: 'Mbuta-muntu, kitisa motema, pesa ngai mwa mikolo, pe nakofuta nyongo na yo.'

30 Kasi ye alingaki té, bongo atii ye na boloko tii tango akofuta nyongo na ye.

Kotuna bana:

- Moninga oyo azalaki na niongo ya muke, asalaki nini? (Akweyaki na mabele pe abondelaki Moninga na ye ayokelaki ye mawa.)
- Alobaki ete akofuta niongo wana. Boni, akokaki kosala yango? (E. ezalaki niongo ya mingi te. Ezalaki na bosenga oyo ya mwa tango kaka po na kofuta yango.)
- Moto oyo asalaki nini na Moninga na ye? (Atiyaki ye na boloko tii tango ete alukela ye niongo wana.)

Bana basala po na kolakisa nini esalemaki:

Bana nyonso basala lokola moninga na bango bakangi po na kotiya ye na boloko.

Bana bayemba pe babina:

Mokonzi yokela ye mawa ya mingi,
Kasi ayokelaki bato mosusu mawa te.

1.7 Tango bayebisaki Mokonzi makambo wana, azalaki na kanda mingi ; atiyaki moto wana na boloko. Matié 18:31-34

Kotangela bana: Matié 18:31-34

31 Basali mosusu oyo bamonaki makambo wana, bayoki mawa mingi pe bakei koyebisa makambo nyonso epai ya mokonzi na bango.

32 Bongo mokonzi abengi moto wana pe alobi na ye: 'Mosali mabe! Ozalaki na nyongo mingi penza, pe nalimbisi yo po obondelaki ngai.

33 Yo pe osengelaki koyokela moninga na yo mawa moninga ngai nayokelaki yo.'

34 Mokonzi ayoki kanda penza pe atii mosali wana na boloko po ázwa etumbu tii tango akofuta nyongo nyonso."

Kotuna bana:

- Nani ayebisaki Mokonzi ya Mosala makambo oyo elekaki? (Bato mosusu ya Mosala)
- Mokonzi amonaki ete moto oyo ayokelaki mawa, esengeli asala nini? (Koyokela mosusu mawa moninga Mokonzi ayokelaki ye mawa)

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

- Mokonzi asalaki nini pe moto oyo ayokelaki moninga mawa te? (Atiyaki ye na boloko po amona pasi kino tango akosilisa niongo na ye.)

Bana basala po na kolakisa nini esalemaki :

Bana basala bageste lokola Mokonzi ya Mosala. Balakisa na diboko ete bakanga moto wana, batiya ye na boloko. Baloba ete, « Olingi koyokela na yo mawa, mutindu nayokelaki yo mawa. »

Bana bayemba pe babina:

Koyoka mawa

Lokola Mokonzi ayokelaki yo.

1.8 Nzambe pe akozala na esengo te soki tolimbisa bato mosusu te, Sima Ye kolimbisa biso niongo monene ya masumu. Matié 18:35

Kotangela bana: Matié 18:35

35 Bongo Yezu asukisi boye: "Tata na ngai ya Likolo akosala bino pe ndenge wana, soki moko moko na kati na bino alimbisaka ndeko na ye na motema mobimba té."

Kotuna bana :

- Yesu akokikisi Mokonzi na lisesse oyo na nani? (ya Mokonzi Nzambe)
- Na nani akokikisi moto oyo Mokonzi alimbisaki niongo monene ? (Na biso balandi na Yesu)
- Nzambe alimbisi biso niongo monene ya masumu. Alingi tosala nini na bandeko (mosusu)? (Kolimbisa bango lokola Nzambe alimbisi biso)

Bana basala po na kolakisa nini esalemaki :

Bana bapesa loboko ya boyokani bango na bango. Baloba ete, "Nzambe alimbisi ngai. Ngai pe nalimbisi yo. »

Bana bayemba pe babina :

Nzembo: Na laki Kolanda Yesu (Verse ya suka—Tolimbisa Bato mosusu), to Jacob amonaki Ematelo (Verse ya suka—Tolimbisa Bato mosusu)

Kosilisa :

Biso nyonso tozalaki banguna na Nzambe, kasi tango tosengaki ye pardon pe totiyaki motema na Yesu, Nzambe alimbisaki biso niongo oyo monene. Sima, Alingi pe ete tolimbisa bato mosusu wana bango basali biso mabe. Kanisa Makambo oyo tolakisaki bino na na ebandeli ya histoire ya Leson oyo. Kanisa Pierre, ndenge atunaki Yesu soki akolimbisa mbala 7 ekoki. Bango nyonso mibale, babosana likambo oyo wana. Babosana ete niongo oyo Nzambe ayokelaki biso mawa ezalaki MONENE. Babosana pe mbala boni Nzambe alimbisaka biso, ata sima ete totieli ye

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

motema. Nzambe alimbisaki biso ya MINGI. Yango wana, tolakisa motema ya bolimbisi na bato mosusu.

Devoir po na bakristu:

Bino bana oyo bobongola motema na Yesu dezia, devoir nazali kopesa bino yang'oyo: Kanisa malamumu. Boni, osilikeli moto mosusu na motema po omoni ete asalaki yo mabe? Limbisa moto wana na motema mobimba. Soki ayebi ete ozali malamumu te ná ye, kende yebisa ye ete olimbisi ye. Bisu nyonso tozalaki na motema oyo ezali lombangu te na kolimbisa bandeko ndenge Nzambe alimbisi biso.

Kobenga bana oyo bayebi Yesu nanu te:

Na kosilisa lel'oyo, nalingi kotuna bino likambo moko ya mutuya mingi. Boni, oyebi ete Nzambe alimbisi yo?

Bisu nyonso tozalaki banguna na Nzambe. Boni, obongoli motema, osenga bolimbisi ná Yé, po ozala monguna na Yé lisusu te, kasi okoma Moninga ná Yé? Soki oyebi te, lel'oyo ezali tango malamumu ya kokata yango po oyeba ya solo ete osili kobika. Nzambe akolimbisa yo kaka sik'awa soki okobenga kombo na Yé. Bible elobi ete, « *Moto nyonso oyo abondelaka Nkolo, akobika* » (Roma 10:13b). Soki ozali na bosenga ya kosolola na ngai likambo wana, yaka na ngai sima ya Ecodim. Loba kaka ete, « Nalingi kobongola motema na Yesu. » Tokosalisa yo na esengo nyonso.

===SUKA YA LESON 1===

Leson 2. Lisese oyo etali losambo: Zuzi moko ná mwasi moko oyo akufelaki. Luka 18 :1-9

Kokoba Devoir ya poso eleki:

Na poso eleki, tosengaki bino bakristo kolimbisa moto oyo asali yo mabe mabe. Nani asalaki yango ? Nani akoyebisa biso ndenge esalemaki? *[Moniteur, zela muke. Soki mwana andimi, pesa ye nzila ya koloba muke po likambo wana.]*

Tina ya Leson :

Na SUKA YA LESON oyo, bana bakososola ete Nzambe alingi tokoba kosambela kaka ye, atako eyano eye noki, to atako esengeli kozwa tango.

Verset ya Koyekola :

Mokolo moko Yezu abeteli bango lisapo po na kolakisa bango 'tè "bosengeli kobondela Nzambe tango nyonso, pe kolemba ata moke té." Luka 18 :1

Banzembo oyo ezali kotambola nzela moko ná leson oyo :

Senga Nzambe Kaka
Nzambe na ngai Akopesa
Nzambe Akoyoka yo

Ebandeli:

Biso nyonso tozali na esengo soki tosambeli Nzambe kosenga ye eloko moko, ebongo esalemi kaka noki. Esengo! Tango mosusu Nzambe apesi eyano noki po na ngai. *[Moniteur, okoki koyebisa bana mbala moko oyo Nzambe apesaki eyano na losambo na yo noki.]*

Kasi, soki tosambeli, pe tosamba lisusu, kasi tomoni te lokola Nzambe asungi, ezali pasi. Boni, ya solo Nzambe zali koyoka losambo na biso? Boni, alaki te kosala maye tokosambela lokola ezali mokano ya Ye? Esengeli tosala nini tango wana? Boni, toloba kaka ete, "Nzambe alingi kopesa te?"

Yesu abetaki lisese moko koyebisa bayekoli na Ye nini kosala soki emonani ete Nzambe ayoki losambo na biso te.

Malakisi Monene ya Leson oyo na Biteni 6 :

2.1 Yesu abetaki lisese koteya ete bato esengeli basambela Nzambe kozanga kolemba.

Tangela bana: Luka 18:1

1 Mokolo moko Yezu abeteli bango lisapo po na kolakisa bango 'tè basengeli kobondela Nzambe tango nyonso, pe kolemba ata moke té...

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Kotuna bana:

- Yesu abetelaki bango nini? (Lisese)
- Malakisi ya lisese wana ezali nini? (Koteya bango ete esengeli bato basambela Nzambe tango nyonso kozanga kolemba.)

Bana basala po na kolakisa nini esalemaki:

Ya liboso, bana basala bageste lokola bazali kobeta lisese.

Sima, basala bageste lokola bazali kosambela Nzambe, pe bazali kaka kokoba na kosambela.

Bana bayemba pe babina:

Nzembo: "Nzambe akoyoka yo »

2.2. Zuzi moko azalaki kobanga Nzambe te, bato pe te.

Tangela bana: Luka 18:2

2 "Na mboka moko ezalaki na zuzi moko, abandaki kobanga Nzambe té, azalaki pe kotosa bato té.

Kotuna bana:

- Moto ya liboso tomonaki na lisese oyo ezali nani? (Zuzi)
- Makambo mibale oyo toyebi pona zuzi oyo ezali nani? (Azalaki kobanga Nzambe te, pe azalaki kobanga bato mosusu te.)

Bana basala po na kolakisa nini esalemaki:

Bango nyonso balakisa eMolakisi ya kanda pe bageste mosusu lokola oyo ya zuzi wana.

Bana bayemba pe babina:

Zuzi moko ya mabe

Azalaki kobanga Nzambe te.

Ye pe azalaki kotosa

Ata ndeko moko te. Wala !

2.3 Mwasi moko mokufeli azalaki kosenga lisungi ya zuzi wana.

Tangela bana: Luka 18:3

3 Mwasi moko pe azalaki kuna akufelá mobali. Mikolo nyonso ye azalaki koya epai ya zuzi pe kosenga ye: 'Molakisisa ngai, pamba té basali ngai mabe.'

Kotuna bana:

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

- Moto ya mibale na lisese oyo ezali nani? (Mwasi mokufeli)
- Mwasi wana azalaki kosala nini? (Kotungisa zuzi ete akata makambo po na kusalisa ye.)
- Mwasi wana atungisaki zuzi mbala boni? (Mbala mingi.)

Bana basala po na kolakisa nini esalemaki:

Bana basala bageste lokola bazali kobondela zuzi asalisa bango na ndenge ya kokats makambo.

Bana bayemba pe babina :

Mwasi abondelaki zuzi
Abondelaki ye mbala miiiiiiingi.

2.4 Zuzi aboyaki ye mbala mingi.

Tangela bana: Luka 18:4a

4 Banda kala zuzi wana azalaki kaka kolinga té; kasi na sima amilobi: 'Ata nabangaka Nzambe té pe natosaka bato té.

Kotuna bana:

- Zuzi wana aboyaki ye mbala boni ? (Mbala mingi)

Bana basala po na kolakisa nini esalemaki :

Mwana ya liboso alakisa eMolakisi ya kanda, alobaki ete, « Nakosalisa yo te. »

Mwana ya mibale asala ndenge moko, tii na suka ya bana nyonso.

Bana bayemba pe babina:

Zuzi aboyaki na ye mbala ya liboso.
Zuzi aboyaki na ye mbala ya mibale.
Zuzi aboyaki na ye mbala ya misato.
Zuzi aboyaki na ye mbala miiii-iiiingi.

2.5 Kasi na suka zuzi abongolaki makanisi, asalisaki mwasi wana.

Tangela bana: Luka 18:4b-5

*...kasi na sima amilobi: 'Ata nabangaka Nzambe té pe natosaka bato té,
5 kasi nakoMolakisisa mwasi oyo po azali kotungisa ngai. Soki boye té, akobanda kaka koya kotiéla ngai makelele.'*

Kotuna bana:

- Sima ete zuzi aboyaki mbala mingi, asalaka nini? (Abongolaki makanisi, akataki asalisa mwasi wana.)

- Pona na nini zuzi wana abongolaki makanisi? (Po na mwasi wana alembisa ye lisusu te.)

Bana basala po na kolakisa nini esalemaki:

Bana nyonso basala bageste lokola bango bazalaki zuzi oyo alembi mingi na makambo wana.

Bana bayemba pe babina:

Mbala mingi zuzi aboyaki,
Kasi na suka andimaki.

2.6 Yesu ete: Zuzi ya mabe asalisaki mwasi kaka po atungisaki ye. Ebongo Nzambe oyo azali malam, akosalisa biso koleka, soki bino bokobi kosambela kaka ye.

Tangela bana: Luka 18:6-8a

6 Nkolo Yezu abakisi: "Bóyoka ndenge zuzi oyo ya mabe alobi.

7 Bongo Nzambe akotika koMolakisisa bato oyo ye aponi, soki bazali kobondela ye butu moi? Akozelisa bango?

8 Nalobi na bino, akoMolakisisa bango noki....

Kotuna bana:

- Yesu alobaki ete toyekolaki nini na lisese oyo? (Nzambe akozanga te kosalisa bato na Yé.)
- Kanisa pona nini Yesu abetaki lisese oyo. Bisu fweti sala nini na makambo na losambo? (Esengeli tosambela tango nyonso kozanga kolemba.)

Bana basala po na kolakisa nini esalemaki:

Bana baloba na rythme:

Senga! Senga ! Senga ! Senga !
Nzambe akosalisa bato na Yé !

Senga ! Senga ! Senga ! Senga !
Nzambe akosalisa bato na Yé !

Bana bayemba pe babina:

Bana bayemba Nzembo "Senga na Nzambe Kaka".

Kosilisa:

Na lisese oyo, zuzi asalisaki mwasi, ata zuzi wana azalaki mabe. Yesu alobi ete, Nzambe azali lokola zuzi wana te. Azali malam. Zuzi wana asalisaki mwasi, atako alingaki te kosala yango. Nzambe azali lokola zuzi wana te. Nzambe alingi asalisa bato na Yé. Yango wana, esengeli tosenga Nzambe makambo oyo tozali na yango bosenga, pe kokoba kaka kosenga. Tolemba te

na bisambu, kasi tokoba kaka kosenga Nzambe na biso. Toyeba ete azali koyoka, pe Alingi mingi kosalisa biso.

Devoir po na bakristu:

Benô bana oyo toyebi ete boyambi Yesu dezia na motema, devoir na nazali kopesa bino, yango oyo: kanisa makambo moko ya mutuya oyo Nzambe atie na motema na yo. Makambo oyo oyebi ete Nzambe akozala na esengo na yango. Obanda kosenga Nzambe yango mikolo nyonso na kati na poso oyo.

Kobenga bana ya me zaba Yesu nanu te:

Soni oyebi nanu te ete oyambi Yesu, yeba ete soki oyambi Ye te, yo pe ozali mwana na Yé nanu te. Kasi okoki kokoma mwana na Yé sik'oyo soki obengi kombo na Yé pe eyebisi Ye ete ozali mosumuki, kasi ondimeli ye pe olingi kotika masumu wana, akobikisa yo pe akokomisa yo mwana na Yé.

Soki olingi ete tosambela esikamoko ná yo, tope soki tolimboli lisusu koleka malamû koyeba kobongola motema na Yesu ezali nini, tikala na Sima ya classe. Yaka kofanda na bakiti oyo *awa* [Moniteur, lakisa wapi ezali esika yango.] tokoya kosalisa yo.

[Molakisi, zela Sima ya classe pe tala malamû. soki moto aye, tuna ye ete, azali kozela nini? Soki alingi kobongola na Yesu, salisa ye na losambo na makambo wana.]

===SUKA YA LESON 2===

Leson 3. Lisese etali Kosalisa Bandeko. Moto malamû ya Mokili ya Samarie. Luka 10 :25-37

Kokoba Devoir ya poso eleki:

Na poso eleki, tosengaki bino bakristo kosambela Nzambe, kosenga Ye makambo moko ya mutuya mikolo nyonso. Nani asalaki yango? Nani akoyebisa biso ndenge nini oyo okende ki kotala?

Soki osambeli Nzambe mikolo nyonso, kasi makambo osengi esalemi nanu te, kanisa ete Yesu ateyaki biso ete esengeli TOKOBA kosambela. Esengeli tosambela kaka mbala moko te, kaka poso moko te, kasi tango nyonso kozanga kolemba. Bokoba kaka kosambela na ndenge Yesu ateyaki.

Tina ya Leson oyo:

Na SUKA YA LESON oyo, bana bakososola ete biso bakristu esengeli tosala malamû na bato mosusu, atako bazali bandeko to bapaya, atako bazali bato oyo tomoni lokola banguna, atako bazali oyo nani.

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yayi: www.teachingforafrica.org (un site des "Ministères pour Chaque Enfant.") »

Verset ya Leson ya Lelo:

v. 10 Yango wana, lokola tango ezali nanu ya kosala malamumu, tósalaka yango na bato nyonso, kasi liboso na bandeko na biso bakristo. Galatians 6:10

Banzembo oyo ezali kotambola nzela moko ná leson oyo:

Tolingana

O batela Maboko

O Salisa, O Salisa Bandeko (Ton ya O Lokuta, Otika)

LINGA

Ebandeli ya Leson:

Pasteur moko ayebisaki bato ete lingombe ekopesa makabo po na kosalisa bato na province mosusu, po mayi monene ebomi bandako na bango pe bilanga na bango lokola. Kasi bana nyonso bakanisa ete, « Bazali bandeko na biso te. Bazali libota na biso te, munoko na biso te. Tina ya kosalisa bango ezali te.»

Bokanisi nini sambu na ndenge oyo ya kokanisa? Bato wana bazalaki bandeko na bango to te? Boni, Nzambe alingi bakristo basalisa bato wana to te?

Na lisele moko oyo Yesu alobaki, moto moko azalaki na probleme lokola oyo Jacob azalaki nayango. Toyoka ndenge Yesu alobaki. Luka, mokapo 10, nzela ya kotanga 25.

Malakisi Monene ya Leson oyo na Biteni 11 :

3.1. Mokolo moko, moto oyo ayebaki mibeke na Nzambe, ayaki komeka Yesu. Atunaki Yesu nini esengelaki asla po azwa bomoyi ya seko na seko.

Tangela bana: Luka 10:25

25 Molakisi-Mibeko moko ayei po na komeka Yezu, bongo atuni ye: "Moteyi, násala nini po názwa bomoi ya seko?"

Kotuna bana:

- Nani ayaki na Yesu ? (Molakisi ya Mibeko na Nzambe)
- Bokanisi ete moto oyo ayebaki Maloba na Nzambe mingi, to ayebaki yango te? (Ayebaki yango.)
- Atunaki Yesu nini? (Nini esengelaki asala po na kozwa bomoyi ya seko.)

Tuna bana oyo bakolá:

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

- Maloba ya verse oyo elakisi ete ya solo, na motema na Yé, azalaki te koluka eyano na motuna wana ?) (Maloba « komeka ». Atunaki Yesu te na ndenge ya koyekola, kasi kaka po na komeka Ye.)

Bana basala po na kolakisa nini esalemaki:

Bana balakisa bageste lokola bazali kokanisa. Baloba ete, « Totuna eloko nini pona komeka Yesu? »

Bana bayemba pe babina:

Molakisi ya Mibeko ayaki

Pona komeka Yesu.

3.2. Yesu atunaki ye soki mibeko na Nzambe elobi nini. Ebongo ayanolaki, « Kolinga Nkolo Nzambe na motema na yo mobimba pe, moninga na yo lokola moko.

Tangela bana: Luka 10:26-27

26 Yezu azongiseli ye: "Bakómá nini na Mibeko? Makambo nini otangaka kuna?"

27 Moto wana azongisi: "Bólinga Nkolo, Nzambe na bino, na motema moko, na bomoi na bino mobimba, na makasi nyonso pe na mayele nyonso; pe lisusu: Bólinga baninga na bino ndenge bino moko bomilingaka."

Kotuna:

- Maloba Yesu apesaki ewutaki wapi? (Na Mikanda ya Mibeko, oyo ezali Maloba na Nzambe oyo tobengi "Bible".)
- Molakisi ya Mibeko apesaki eyano nini? (Kolinga Nzambe na motema na yo mobimba, pe kolinga moninga na yo lokola yo moko. »)

Bana basala po na kolakisa nini esalemaki:

Bana batiya loboko na likolo ya motema. Baningisa ndakoto na droite pe baloba, « Linga Nzambe na yo na motema mobimba. » Banningisa ndakoto na gauche pe baloba, « Linga moninga na yo lokola yo moko. »

Bana bayemba pe babina:

Tolinga Nzambe

Tolinga bandeko

Oyo mibeko na Nzambe.

3.3. Yesu andimaki ete soki Azalaki na lolenge ya kosala oyo nyonso, akozwa bomoyi.

Tangela bana: Luka 10:28

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

28 Bongo Yezu alobi na ye: "Ozongisi malamumu! Sala bongo pe okobika."

Tuna bana oyo ya mike :

- Yesu alobaki ete alobi yango malamumu to mabe? (Malamumu.)

Tuna bana oyo bakolá:

- Soki moto asali ndenge wana, soki tango nyonso alingi Nzambe mingi pe alingi moninga lokola ye moko, boni, akozwa bomoyi? (Ee. SOKI akoki kosala kaka yango tango nyonso.)
- Boni, okanisi ete osalaka kaka yango tango nyonso? (Bongo te. Bible elobi na biso ete tolandi mibeko wana te.)

Bana basala po na kolakisa nini esalemaki :

Yo moniteur loba, « Linga Nzambe na motema na yo mobimba, okozwa bomoyi. » Bana balakisa elongi ya esengo.

Yo moniteur aloba, « Kasi biso tosalaka yango te tango nyonso, tozwi te bomoyi na mobeko wana. »

Bana alakisa elongi ya mawa.

Yo moniteur loba, «Linga moninga lokola yo moko, okozwa bomoyi. »

Bana balakisa elongi ya esengo.

Yo moniteur loba, « Nani asalaka yango tango nyonso? Bisu te. Epesi bisu bomoyi te. »
Bana balakisa yango na elongi pe basala bageste ya mawa.

Bana bayemba pe babina :

Mibeko ezali komema bomoyi te, po tolandi yango te, te, te.

3.4. Moto wana ayebaki malamumu ete akokisaki mibeko wana te, pe ete moto akoki kokokisa te yango nyonso. Yango wana, akoluka ndenge ya komilongisa. Yango wana, atunaki Yesu, « Nani azali moninga na ngai oyo mobeko na Nzambe ezali kolobela? »

Tangela bana: Luka 10:29

29 Kasi molakisi-Mibeko alingaki komilongisa, atuni Yezu: "Moninga na ngai nani?"

Tuna bana oyo ya mike :

- Molakisi atunaki Yesu question nini? (Nani azali moninga na ngai ?)

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Tuna bana oyo bakolá:

- Molakisi ya Mibeko alukaki ndenge ya kosala nini? (Alukaki ndenge ya komilongisa.)
- Yango wana, asalaki nini? (Atunaki Yesu, Nani azali moninga na ngai oyo mobeko na Nzambe elobeli?)
- Nini elingaki kozala question koleka malamumu? (Ngai nabebisi, na landi mibeko wana te. Ndenge nini nakoki kobikisa?)
- Molakisi atunaki Yesu 'Moninga na ngai wana ezali nani?' Po alingaki te kondima nini? (Alingaki te kondima ete alandaka te mibeko na Nzambe.)

3.5. Pona kopesa eyano na mutuna wana, « Nani azali moninga na ngai? », Yesu abetelaki ye lisese oyo: Moto moko azalaki na nzela oyo ekei na Yeriko, ebongo miyibi bayibaki ye. Babetaki ye pe makasi.

Tangela bana: Luka 10:30

30 Bongo Yezu abandi kobetela ye lisapo oyo: "Moto moko alongwaki na Yeruzalem po na kokende na Jeriko. Bamiyibi bakangi ye, balongoli ye bilamba, babeti ye pe batikaki ye lokola moto akufi.

Tuna bana oyo ya mike:

- Tango wana, Yesu abetelaki ye nini? (Lisese.)

Tuna bana oyo bakolá:

- Yesu abetaki lisese oyo na eyano ya question nini? (Na eyano na question, « Moninga na ngai nani? »)
- Na lisese oyo, moto azalaki kosala nini? (Akamataki nzela kolongwa na Yeruzalemi, kokende na mboka Yeriko.)
- Nini esalemaki na nzela? (Miyibi bakangaki ye, balongolaki ye bilamba pe babetaki ye makasi, tii batikaki ye pembeni na liwa.)

Bana basala po na kolakisa nini esalemaki :

Bana basala maboke (groupe) ya bana misatu. Na liboke nyonso, bapona mwana moko azala moto oyo akendeki na Yeruzalem. Bana mibale mosusu bazala bamiyibi. Basala bageste kolakisa nini esalema, kasi bazali kobeta moto kaka lokola lisano, kasi ezali yasolo te.

Bana bayemba pe babina:

Moto asimbaki nzela oyo ekei na Yeriko.

Miyibi bakangaki ye pe babetaki ye makasi. Mawa! Mawa!

3.6. Nganga-Nzambe moko alekaki pe amonaki ye, kasi alekaki na mopanzi mosusu pa atikaki moto oyo pembeni na kufa.

Tangela bana: Luka 10:31

31 Sima ya mwa tango nganga-Nzambe moko ayei koleka na nzela yango; awa amoni ye, akatisi na mopanzi mosusu ya nzela.

Kotuna bana:

- Nani alekaki liboso pe amonaki moto wana pembeni na liwa? (Nganga-Nzambe alekaki moto ya yambo.)
- Asalaki nini tango amonaki moto wana? (Alekaki na nzela mosusu. Asalaki ata eloko te pona kosalisa moto wana.)

Bana basala po na kolakisa nini esalemaki:

Mwana moko asala lokola azali moto oyo bayibi pe babeti. Alala na mabele « Ooo, ooo » na malabo lokola, azali koyoka pasi.

Bana yonso mosusu basala lokola bazali banganga na Nzambe. Bayaki na nzela, bamona ye, ebongo baleka mopanzi mosusu ya nzela. Batiya eMolakisi mopanzi po bamona ye te.

Bana bayemba pe babina:

Nganga moko ayaki

Kasi asalisaki ye te, te, te.

3.7. Sima, moto ya libota na Levi ya Bayuda asalaki pe ndenge moko. Asalisaki moto wana te.

Tangela bana: Luka 10:32

32 Mosali moko ya Ndako ya Nzambe asali se ndenge moko; akómi na esika wana, amoni ye, akatisi na mopanzi mosusu ya nzela.

Kotuna:

- Sima, nani mosusu ayaki amonaki moto wana? (Moto ya libota na Levi)
- Bato ya libota na Levi bazalaki bato oyo Nzambe asolaki pona kosalela Ye na kati ya Ndako na Nzambe. Kasi moto wana, asalisaki moto oyo akweyi na maboko ya miyibi. Nani azali moninga na ye? (asalisaki ye ata muke. Alekaka kaka mopanzi na nzela.)

Bana basala po na kolakisa nini esalemaki:

Mwana oyo azali kosala lokola moto oyo miyibi babeti, azongi na esika na Yé. Bana nyonso oyo mosusu basala lokola bazali bato ya libota na Levi. Moko-moko, baya na nzela, bamona ye, ebongo Baleka mopanzi na nzila, kozanga kosalisa ye.

3.8. Na suka, moto ya mokili ya Samarie ayaki (Bato oyo Bayuda balingaka te). Tango amonaki moto wana, ayokelaki ye mawa pe asalisaki ye.

Tangela bana: Luka 10:33—35

33 Kasi moto moko ya Samarie ayei pe koleka na nzela wana; tango amoni ye, ayokeli ye mawa.

34 Apusani pembeni na ye, bongo atii ye mafuta ná vinu na bapota, pe akangi yango. Na sima amatisi ye na punda na ye moko, amemi ye na ndako bato ya mobembo balalaka, pe kuna abandi kosalisa ye.

35 Tongo etani, abimisi mbongo mibale ya bibende, apesi yango na kolo ya ndako, pe alobi na ye: 'Salisa moto oyo malamumu. Soki obimisi mbongo mosusu po na kosalisa ye, ngai moko nakofuta yango, tango nakoleka lisusu awa.'

Kotuna:

- Nani moto ya misato oyo alekaki? (Moto na Samarie.)

NB: [Molakisi, tangela bana ndimbola oyo]:

Bato na Samarie bazalaki bato oyo babikaki pembeni na Bayuda. Na mikolo ya kala, bato ya mikili ya bapaya babalanaki na bato ya Israel. Bana bazalaki bato na Samarie. Bazalaki bato ya mabota mibale. Yango wana, Bayuda balingaki bango te. Bamonaki ete bato na Samarie bazalaki malamumu mingi te lokola bango.

- Nini esalemaki na motema ya moto na Samarie, tango amonaki moto wana pembeni ya kufa? (Ayokelaki ye mawa.)
- Moto ya Samarie asalaki nini pona kosalisa moto wana? (Makambo minei)
 1. Atiyaki mafuta ná vinu na bapota na Yé,
 2. Alingaki bapota wana na elamba,
 3. Atiyaki moto wana likolo ya punda na Yé pe amemaki ye na ndako ya bapaya po moto wana apema malamumu,
 4. Ayebisaki ete akofuta nyonso oyo ekozala mutuya pona moto wana abika.)

Bana basala po na kolakisa nini esalemaki:

Bana misatu basala mwa-theatre pona kolakisa nini esalemi: moto oyo miyibi babetaki, moto na Samarie, ná moto oyo azalaki kobatela ndako ya bapaya. Soki bango mibale, mwana akoki kosala pe lokola punda.

Bana bayemba pe babina:

Moto ya Samarie ayé

Nasalisi ye malamumu.

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

3.9. Yesu atunaki nani azalaki moninga ya moto wana oyo miyibi babetaki?**Tangela bana:** Luka 10:36*36 Bongo Yezu atuni molakisi-Mibeko: "Okanisi nini? Na kati y a bato misato wana, nani amilakisi moninga ya moto oyo bamiyibi babetaki?"***Kotuna bana :**

- Na suka ya lisese, Yesu atunaki nini question? (Na kati ya bato misato oyo na lisese, nani azalaki moninga ya moto wana?)

Bana bayemba pe babina:

Nani azalaki moninga na Yé? Yesu atunaki.

3.10. Molakisi andimaki ete moninga ezalaki moto oyo ayokelaki ye mawa.**Tangela bana:** Luka 10:37a*37a Molakisi-Mibeko azongisi: "Ezali moto oyo ayokelaki ye mawa."***Kotuna:**

- Nani apesaki eyano na question wana? (Molakisi ya Mibeko. [*Moniteur, kanisa ete ezalaki moto ayaki komeka Yesu. Yesu azalaki kolobela ye lisese yango.*])
- Apesaki eyano nini na question ya Yesu, 'Nani azalaki moninga ya moto oyo miyibi babetaki?' (Moninga ezalaki moto oyo ayokelaki ye mawa.)

Bana bayemba pe babina:Moninga ya moto wana
ayokelaki ye mawa.**3.11. Yesu alobaki na suka ete, Molakisi ya Mibeko akendeki kosala ndenge wana, kozwa moto nyonso lokola moninga na Yé.****Tangela bana:** Luka 10:37b*37b Bongo Yezu alobi na ye: "Kende, yo pe sala bongo."***Kotuna:**

- Na suka, Yesu ayebisaki Molakisi ya Mibeko kosala nini? (Kosala ndenge moko. Oyo elingi koloba, kosala na konso moto lokola azali moninga na Yé.)
- Soki asali na moto nyonso lokola moninga na Yé, boni, ekoki pe kotala makambo ya libota to mabala, to makambo mosusu lokola yango? (Ezali bongo te. Ye, alingi kaka koluka kosala malamumu na bato nyonso.)

Kosilisa:

Nzambe alingi bato na Yé balakisa bolingo na bato nyonso—atako azali moto ya libota mosusu

to ya mokili mosusu, atako bazali komonana lokola banguna. Moto oyo azali na bosenga ya lisalisi ezali moninga na biso. Bisu bakristu tosala malamumu na bato nyonso.

Devoir po na bana oyo bayambi Yesu:

Beno bakristo, nazali kopesa bino devoir oyo: Na poso oyo, tala malamumu nani Azali na bosenga ya lisungu, ebongo kende mbangu kosalisa ye, kosala ye bolamu, atako azali nani.

Kobenga bana oyo bayebi Yesu nanu te :

Tango mosusu ezali ná bana na kati na bino oyo babongoli motema na Yesu nanu te. Tango mosusu okanisi ete, « Ngai nazali malamumu, ebongo Nzambe akondima ngai. » Kasi, na koloba malamumu, ata ndeko moko te asalaka malamumu ndenge Nzambe alingi. Bible elobi ete, « Ata ndeko moko te asalaka makambo wana oyo Nzambe alingaka » (Roma 3:10).

Kanisa Molakisi oyo ayaki na Yesu. Ayebisaki Yesu ete alingaka baninga na Yé lokola ye moko, kasi alingaki kobunda koyeba soki moninga na Yé azalaki nani. Yesu ayebisaki ye lisese oyo po andima na se ya motema ete, ya solo, akokisi mobeko wana te.

Yo pe, okokisi mibeko na Nzambe te. Ndenge moko na biso nyonso bato. Bible elobi ete “Bato nyonso batika nzila na Nzambe, bango nyonso babunga. Ata ndeko moko te asalaka makambo malamumu, ata moko te » (Roma 3 :12).

Kasi yeba ete, ata nge obunga nzela, Nzambe alingi yo. Atindaki Mwana na Yé Yesu pona kofuta niongo ya masumu na yo. Yesu asekwaki; Azali na moyo lel'oyo. Azali na nguya ya kobikisa yo. Kaka benga kombo na Yé lel'oyo. Senga Ye pardon. Akobikisa yo lel'oyo. Akosukola motema na yo; Akokomisa yo mwana na Yé, mukristo. Soki olingi kosolola makambo oyo, tokozala na esengo ya kosalisa yo. Sima ya classe ya Ecodim, kofanda na bakiti oyo awa. *[Moniteur, lakisa bakati wana.]* Nakoya tosolola, pe tosepela elongo ná yo.

===SUKA YA LESON 3===

Leson 4. Lisese etali lolendo pe komikitisa—Losambo ya Pharisien ná Mofutisi ya Pako. Luka 18 :9-14

Kolanda devoir ya Leson eleki:

Na poso eleki, tosengaki bino bakristo kotala malamumu nani oyo azali na bosenga ya lisalisi, ebongo okende na lombango kosalisa ye, kosala bolamu, ezala ye nani. Na kati na beno, nani amekaki kosala makambo wana? Nani akoyebisa biso nini asalaki, pe ndenge nini oyo otalaki ? *[Moniteur, soki bana bazali na eyano, pesa bango mwa-minute ya koloba, ebongo pesa bango felicitacion po bamekaki kosala devoir.]*

Tina ya Leson oyo:

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yayi: www.teachingforafrica.org (un site des “Ministères pour Chaque Enfant.”) »

Na SUKA YA LESON oyo, bana bakososola ete Nzambe alingi toya na Yé na lolendo, kasi na makanisi ya komikitisa.

Verset ya Koyekola:

. . . Pamba té moto nyonso oyo amikumisaka, Nzambe akitisaka ye; pe oyo nyonso amikitisaka, Nzambe akumisaka ye." Luka 18:14b

Banzembo oyo ezali kotambola nzela moko ná leson oyo:

Komikitisa na Miso na Nzambe

Mokonzi Ayebi Nzela na Ngai

Na koya na Nzambe na Lolendo Te

Ebandeli ya Leson :

Mbala mingi moniteur na mboka Botombe, asengaki na bana kosambela Nzambe na suka ya classe ya Ecodim. Kasi mwana moko na kombo ya Tali, moniteur asengaki ye kosambela te. Poso nyonso, Tali azalaki koganga, « Ngai! Ngai! Ngai! » na tango ya kosambela. Kasi ata mbala moko te moniteur abengaki ye. pona nini?

Mposo moko, Tali agangaki makasi, « Ngai! Ngai! » Atelemaki. Asimbaki moniteur na elamba na Yé. « Ngai! Ngai na lingi nasambela! »

« Likambo te, » moniteur alobaki. Sambela.

Tali abandaki. « Nzambe, merci po bapesi ngai nzela ya kosambela. Nzambe, oyeba ete na koki kosambela malamumu, koleka bana oyo nyonso mosusu. Na yebi kosambela kitoko. Nasalaka nyonso oy olingaka. Na zali awa na Ecodim mokolo ya poso nyonso. Natangaka Bible na ngai. Nabundaka te. Malamumu pon babengi ngai kosambela lel'oyo. Losambo na ngai ezali kitoko. Nazali mokristo malamumu. Ngai....»

Moniteur atiyaki loboko na mapeka ya Tali. «Zela muke, » Asengaki ye.

Bana nyonso baloba ete, « Matondo !»

Moniteur atunaki Tali ete, « Osambelaka nani—Nzambe, tope yo moko?»

Tali alobaki eloko te.

Moniteur alobaki ete, « Nani azali malamumu pe kitoko nyonso—yo tope Nzambe?»

Tali alobaki eloko te.

Tali azalaki na probleme monene—probleme ya lolendo. Bato mosusu na tango oyo Yesu azalaki na probleme ya ndenge moko. Yesu alobaki lisese moko pona koteya biso makanisi na Nzambe na makambo oyo ya lolendo. Tomoni yango na Luka 18, kobanda na nzela ya kotanga 9.

Malakisi Monene ya Leson oyo na Biteni 6:

4.1. Yesu abetaki lisese na bato oyo bakanisaki ete bazali bato malamumu koleka bato mosusu.

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Tangela bana: Luka 18:9

9 Mokolo moko Yezu apesi toli na bato oyo bakanisaka 'tè bazali bato malamumu na miso ya Nzambe, pe bamonelaka bato mosusu; abeteli bango lisapo oyo:

Kotuna bana:

- Yesu alobaki lisese oyo na nani? (Na bato oyo batiaki motema ete bazali bato malamumu, bato mosusu bazali bato ya mabe.)

Bana basala po na kolakisa nini esalemaki:

Bana nyonso baningisa mosapi lokola bazali koteya lisese.

Bana bayemba pe babina:

Yesu ateyaki lisese

Na bato oyo bakanisaki ete bazali malamumu,

Ete bato mosusu bazali mabe.

4.2. Bato mibale bakendeki na ndako-Nzambe pona kosambela—moko Mufarize pe moko mosusu, Mufuti ya mpaku.

Tangela bana: Luka 18:10

10 "Bato mibale bakendeki na Ndako ya Nzambe po na kosambela. Moko azalaki Farizé, mosusu mofutisi-mpaku.

Tuna bana oyo ya mike:

- Na lisese oyo, bato boni bakendeki na Ndako-Nzambe? (Bato mibale.)
- Bakendeki na ndako-Nzambe po na kosala nini? (pona kosambela.)

Tuna bana oyo bakolá:

- Moto ya liboso nani? (Mufarize.)
- Moto ya mibale nani? (Mufutisi mpaku.)
- Na bisika mosusu na Bible, elakisi biso nini pona Bafarize? Bazali bato ya ndenge nini? (Bazali bato oyo bayebi Maloba na Nzambe mingi, pe bazali bato oyo balingaki kolanda yango na makambo nyonso ya muke, kasi epesi bango lokola lolendo. Bamonaki ete bazalaki malamumu koleka bato mosusu, po bayekolaki Bible mingi. Mbala mingi pe, bazalaki bato oyo bazalaki koluka ndenge ya kokanga Yesu.)
- Toyebi nini po na bafutisi mpaku? (Bato balingaki bango te po basalaki mosala po na Rome, pe po mbala mingi bazalaki miyibi.)
- Soki tokanisi kaka na bomoto, na kati ya bato mibale oyo, nani azalaki moto malamumu, pe, nani moto ya mabe? (Mufarize moto malamumu pe Mufutisi mpaku, moto mabe na ndenge oyo bato bazali komona.)

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Bana basala po na kolakisa nini esalemaki:

Bana mibale batelama loboso ya classe lokola mufarize pe Mufutisi mpaku. Mufarize asala bageste lokola azali kotanga Bible mingi, pe kosambela mingi. Sima, bato mibale bakende kofuta mpaku na Mufutisi mpaku. Alakisa yango na elongi pe na nzoto ete balingi ye te. Na suka, ayiba bango nyonso mibale.

Bana bayemba pe babina:

Bafarize bayebaki Bible mingi
Yango wana bango bato ya lolendo
Bakonzi ya Bafutisi mpaku bazalaki
kaka miyibi.

4.3. Na losambo na Yé, Mufarize alobaki kaka makambo ya malamumu na Yé koleka bato mosusu.

Tangela bana: Luka 18:11-12

11 "Farizé akei kotelema na miso ya bato nyonso, pe asambeli boye na motema: 'E Nzambe, napesi yo merci po nazali lokola bato mosusu té. Bango bazali bamiyibi, bato ya mobulu pe ya kindumba. Nazali pe lokola mofutisi-mpaku oyo kuna té.

12 Na poso moko namilalisaka nzala mikolo mibale; pe na biloko nyonso nazwaka nalongolelaka yo eteni moko na kati ya biteni zomi.'

Kotuna bana:

- Pona nini Mufarize amonaki ete azalaki malamumu? (Pona losambo na Yé pe biloko ya malamumu oyo asalaki.)

Tuna bana oyo bakolá:

- Tango apesaki Nzambe merci, ezalaki te po na makambo ya malamumu oyo asalelaki Nzambe, kasi pona nini? (Pona kolakisa makambo ya malamumu na Yé koleka bato mosusu.)
- Omoni ete centre ya losambo na Yé ezalaki nani—Nzambe, to ye moko? (Kaka ye moko.)

Bana basala po na kolakisa nini esalemaki:

Bana nyonso basala bageste oyo elakisi lolendo ya Mufarize yango.

Bana bayemba pe babina:

Mufarize akamisaki kaka
Makambo ya malamumu na Yé moko.
Lolendo, Mawa! Lolendo!

4.4. Kasi losambo ya Mokonzi ya bafutisi mpaku elakisaki komikitisa ya mingi. Andimaka mabe na Yé pe asengaki kaka mawa na Nzambe.

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Tangela bana: Luka 18:13

13 Mofutisi-mpaku atikalaki na sima ya bato nyonso, pe amekaki kutu kotala na likolo té, kasi azalaki kobeta tolo po na mawa, alobi: 'E Nzambe, yokela ngai mawa, nazali moto ya masumu.'"

Kotuna bana:

- Na nini losambo ya Mufutisi mpaku azalaki na bokeseni na losambo ya Mufarize? (Losambu ya Mufarize azalaki kaka lolendo, kasi losambo na Mufutisi mpaku, ezalaki na lolendo te. Amikitisaki liboso na Nzambe.)
- Kalaki ya Mpaku, asengaki Nzambe nini? (Koyekela ye mawa pona ngai nazali moto ya masumu.)
- Na nini alakisaki mawa pona masumu na Yé ? (Kobeta na tolo ná Yé)

Bana basala po na kolakisa nini esalemaki:

Bana nyonso basala geste lokola Kalaki ya Mifutisi Mpaku oyo azalaki na mawa po na masumu na Yé.

Bana yima ti kina :

Nzembo "Komikitisa na Miso na Nzambe"

4.5. Yesu alobaki ete Nzambe andimaki losambu ya moto ya komikitisa liboso na Yé, kasi andimaka te losambu ya moto ya lolendo.**Tangela bana:** Luka 18:14a

14a Yezu abakisi boye: "Nalobi na bino, mofutisi-mpaku, tango azongaki na ndako na ye, asi'akómaki moto malamumu na miso ya Nzambe; kasi Farizé té.

Kotuna :

- Na kati ya bato mibale ya lisese oyo, Nzambe andimaki nani? (Kalaki Mufutisi mpaku oyo azalaki kosenga ete 'Nzambe Ayokela ngai mawa.')
- Nzambe andimaki nani te? (Mufarize ya lolendo)

Bana basala po na kolakisa nini esalemaki :

Bana mibale oyo basalaka lokola Mufarize pe Kalaki ya Mpaku na 4.2, bazonga liboso ya classe. Mwana ya misato akosala lokola Nzambe.

Bato 2 wana, balakisa bageste ya lolendo pe ya mawa pona masumu.

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

'Nzambe' atalaki ndege bazali kosala. Na Mufarize, alobi ete, « Nandimi masumu na yo. Nandimi yo na famille na Ngai.

Na Kalaki ya Mpaku, alobaki ete, « Yo moto na lolendo. Nakoki kondima yo te ata muke. » Ebongo abengani moto ya lolendo.

Azwaki moto oyo asengaki pardon na loboko pe bakendeki loboko na loboko.

Bana bayemba pe babina:

Nzembo « Komikitisa na Miso na Nzambe » lisusu.

4.6. Malakisi Yesu abimisaki na lisele wana: Ete Nzambe akondima bato ya lolendo te, kasi bato ya komikitisa, bango nde bato akondima.

Tangela bana: Luka 18:14b

14b Pamba té moto nyonso oyo amikumisaka, Nzambe akitisaka ye; pe oyo nyonso amikitisaka, Nzambe akumisaka ye."

Kotuna:

- Soki bato bamingoli, Nzambe akosala bango nini? (Akokitisa bango.)
- Soki bato komikitisa, Nzambe akosala bango nini? (Akonangola bango.)
- Boni, Nzambe alingi lolendo? (Ezali bongo te ata muke.)

Bana basala po na kolakisa nini esalemaki:

Bana nyonso basalela maboko na bango na kolakisa 'Tombola' pe 'kitisa'.

Bana bayemba pe babina :

Nzembo: 'Na k'ya na Nzambe na lolendo Te' (Ton na anglais: ' It Ain't Gonna Rain No More ')

'Na k'ya na Nzambe

'Na k'ya na lolendo te

'Na k'mikitisa liboso n'Ye

'Na k'ya na lolendo te

Kosilisa:

Nzambe ayebi mitema na biso. Tango mosusu tokoki kokosa bato mosusu, kasi Ye ayebi ete tozali bato mabe. Mobeko ya liboso ezali ete tokanisa ye ete azali Nzambe, tozali Ye na ndenge oyo ekoki na Nzambe. Soki tozali lolendo, ezali lokola ete tomitie biso moko na esika na Nzambe. Masumu monene, mabe monene.

Nzambe azali na esengo na losambo oyo ezali kokanisa Ye ete ezali Nzambe, pe tozali bato mabe. Azali koyoka losambo lokola yango, Azali na esengo na yango, Azali kondima yango.

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Devoir po na bana oyo bayambi Yesu:

Bino bakristo, bino oyo boyebi ete bobongola motema na Yesu, devoir nazali kopesa bino yango oyo: Na poso oyo, tambola na komikitisa liboso na Nzambe, pe sambela pona kopesa Nzambe lokumu, kasi yo moko te.

Kobenga bana oyo bayebi Yesu nanu te:

Kasi tango mosusu, oyebi ete obongola motema na Yesu. Lolendo monene ezali kokanisa ete ozali na bosenga na Yesu te. Okoki komibikisa te. Kaka Yesu, Mwana na Nzambe akoki kobikisa yo.

Boni, olingi komikitisa lel'oyo, pe kondima ete ozali na bosenga na Yé? Boni, okobenga lel'oyo kosenga Ye bolimbisa masumu na yo pe kokomisa yo mukristo ya solo? Soki okobenga Ye ndenge wana lel'oyo na motema yo bosolo, okobotama mbotama ya sika. Yesu akopesa yo bomoi na Yé, bomoi ya seko na seko.

===SUKA YA LESON 4===

Leson 5. Lisese etali Kotelema ngwi na kondima -- Bampika tatu Matié 25:14-30**Kokoba Devoir ya poso eleki :**

Na poso eleki, tosengaki bino bakristo kosala makasi kotambola na komikitisa liboso na Nzambe, pe na losambo, kopesa Ye lokumu, kasi yo moko te. Nani abambolaki kosala yango Na poso eleki? Moninga ezali nani na devoir yango? Nani amonaki pasi kosala yango? Nini ezali kopesa yo pasi koleka? *[Moniteur, sambela Nzambe ete bana bazwa nguya ya Molimo po bakoma bato ya komikitisa kasi, kasi ya lolendo te.]*

Tina ya Leson oyo:

Na SUKA YA LESON oyo, bana bakososola ete Nzambe apesi na Mukristu nyonso biloko na mayele, pe Alingi biso tosalela yango pona na Yé na ndenge moko ya koyika mpiko, na lolenge été ekola.

Verset ya Leson ya Lelo:

10 Moto oyo bakoki kotiela ye motema na makambo ya mike, bakoki pe kotiela ye motema na makambo ya minene. Moto oyo bakoki kotiela ye motema té na makambo ya mike, bakoki pe kotiela ye motema té na makambo ya minene.

Banzembo oyo ezali kotambola nzela moko ná leson oyo:

Mokol'oyo Nzambe Aala

Luka Nanu, verse 3, 4 :

Nzambe Apesa biso Makabo

Na biso bakristu-u-u

Tosalela yango pona Yé

Alelu, Aleluya !

Baoyo bazali kosalela yango, Nzambe Akobakisa

Makabo mosusu-a-a

Baoyo bayebi kobomba yango, Oyo akolongola

Alelu, Aleluya !

Ebandeli ya Leson:

Mwana moko na kombo ya Yordani azalaki na ndako ya Moninga na Yé. Bazalaki kolongola mbuma moko ya kitoko na nti na lopangu na Yé. Baliaki yango mingi. Yordani alingaki mbuma wana. "Elengi! Malamu soki tozalaki na nzete oyo ebotaka mbuma lokola yango," Alobaki. "Pona nini Nzambe Apesi bino mbuma oyo ya kitoko, kasi biso te?"

Moninga atalaki ye makasi. Akamataki mbuma moko ya Moninga na Yé, abwaki na mabele. Asilisi kolia yango, ebongo abwakaki yango. Apesaki makambo wana na Yordani. «Nzambe apesaki yango, » pe alobaki « Soki na zalaka na yango, Nalingaki na salisa babola.

Kasi Yordani akonaki yango te. Na mbula ya Sima, Akendeki lisusu na ndako ya Moninga na Yé. “Malamu tozala na bambuma ya elengi lokola oyo,” alobaki. “Soki nazalaki yo, nalongaki kosalisa basukami.

Ebongo, Bana, pona nini Yordani azalaki na bambuma wana te? (Ee, Po ye, alonaki te mbuma oyo Nzambe apesaki ye. Nzambe apesaki ye nkona, kasi ye azalaki te na bopikiliki na kokona yango.)

Yesu abetaki lisese moko mwa muke lokola oyo, etali ndenge nini ya kozala na bopikiliki na oyo Nzambe apesaki biso. Ezali na Matié kapu 25. Tokobanda na nzela ya kotanga 14.

Malakisi Monene ya Leson oyo na Biteni 8:

5.1 Ndeko moko akendeki na voyage, ebongo atikaki bawumbu na Yé biloko na Yé.

Tangela bana: Matié 25:14

14 "Nzambe akosala lokola moto moko alingaki kokende na mobembo: abengi basali na ye pe apesi mbongo na ye nyonso na maboko na bango, po bábatela yango.

Kotuna bana :

- Mbala mingi, Matié asalelaki phrase oyo, « Bokonzi na Nzambe. » Phrase wana, elingi koloba nini? (Nzambe akonzaka bomoi ya bato.)
- Moto oyo akendeki kotambola, elakisi ezali nani? (Ezali Yesu. Yesu alobaki ete akozonga na likolo, kasi akoya kozonga mokolo moko na mokili oyo lisusu.)
- Moto wana, liboso ya kokende, Asalaka nini? (Akabolaki biloko na Yé na bato na Yé ya Mosala.)
- Biloko wana—nini, Apesaki yango ya kopesa, to Adefisaki bango po basalela yango na absence na Yé?) (Adefisaki yango. Toyebi yango, po Asengaki ete bapesa ye rapport ndenge nini basalelaki biloko na Yé.)

Bana basala nini po na kolakisa nini esalemaki:

Bana basala maboque minei. Na maboque nyonso, moko akozala mokonzi, pe misato bakozala bato ya Mosala.

Mokonzi asala bageste lokola azali kopesa biloko na bato tatu wana, bazwa yango. Sima, mokonzi asimba nzela, pe akende (kasi babima te na salle ya classe.)

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des “Ministères pour Chaque Enfant.”) »

Bana bayemba pe babina :

Mokonzi moko apesaki
basali na Yé biloko
Ebongo abilokoki,
Akendeki kotambola.

5.2 Apesaki bakengeli wana mabende ya misolo ya moninga na moninga: 500, 200, pe 100.

Tangela bana: Matié 25:15

15 Apesi na moto na moto na ndenge ekoki na mayele na ye. Na moto ya liboso apesi maboke mitano ya mbongo, na moto ya mibale maboke mibale, bongo na moto ya misato liboke moko. Na sima akei.

Kotuna bana:

- Boni, mokolo ndako apesaki na moto nyonso ndenge moko? (Ezali bongo te. Moko azwaki mabende 500, mususu 200, moko mosusu 100.)

Bana basala nini po na kolakisa nini esalemaki ?

Na liboke nyonso ya bana, mokonzi akotanga mbongo apesa yango na basali na Yé: 500 na moko (tanga 100, 200, 300, 400, 500); 200 na mosusu; kaka 100 na moko mususu. Basali basala bageste lokola bazali kozwa yango.

Bana bayemba pe babina:

Ndeko moko azwaki kama mitano
Ndeko moko azwaki kama mibale,
Ndeko moko azwaki kaka kama moko.
Oyo mbongo oyo bazwaki.

5.3 Bato oyo bazwaki mabende 500 pe 200, basalaki yango po na kozwa 500 pe 200 lisusu.

Tangela bana: Matié 25:16-17

16 Mosali oyo azwaki maboke mitano ya mbongo, akei noki kosalela yango mombongo, pe azwi maboke mitano na likolo.

17 Moto oyo azwaki maboke mibale asali pe ndenge wana, bongo azwi maboke mibale mosusu.

Kotuna bana:

- Bato oyo bazwaki mabende 500 tii 200, basalaki nini na mabende wana? (Basalelaki yango mosalu ya Commerce.)
- Ebongo, Nini esalemaki? (Bango nyonso mibale bazwaki mbongo lisusu likolo na oyo mokonzi na bango apesaki.)

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

- Ebongo, na tango oyo, moto ya liboso akokoma na mabende boni? ($500 + 500 = 1,000$)
- Ná moto oyo azwaki 200, akomi na motuya boni? ($200 + 200 = 400$)

Bana basala po na kolakisa nini esalemaki :

Na maboke nyonso ya bana, basali oyo bazwaki 500 pe 200, bakende kosala commerce na mbongo na bango.

Sima, bazonga, balakisa na liboke na bango ete, « Tala, nasalilaki mbongo wana, ebongo na zwi mbongo mosusu. »

Bana bayemba pe babina:

Moto oyo azwaki 500,
Asalelaki yango.
Azwaki 500 mosusu.

O, lala, lala !

Moto oyo azwaki 200,
Asalelaki yango.
Azwaki 200 mosusu

O, lala, lala !

5.4 Kasi moto oyo azwaki libende 100, asalelaki yango te, kasi abombaki yango na libulu.

Tangela bana: Matié 25:18

18 Kasi moto oyo azwaki liboke moko akei kotimola libulu na mabelé, pe abombi mbongo ya mokonzi na ye.

Kotuna bana:

- Moto oyo azwaki mabende kama moko (100), asalelaki yango te, kasi asalaka nini na yango? (Atimolaki libulu, abombaki yango na se ya mabele.)

Bana basala po na kolakisa nini esalemaki:

Na maboke nyonso ya bana, bana oyo bazwaki 100, balakisa kobanga, basala bageste lokola bazali kotimola libulu, bazali kobomba mbongo na libulu wana.

Bana bayemba pe babina:

Kasi!

Moto oyo azwaki mabende 100

Asalelaki yango te.

Akendeki kobomba yango,

Kobomba yango na libulu.

5.5 Tango mokonzi azongaki asengaki rapport na bato ya Mosala na Yé.

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Tangela bana: Matié 25:19

19 "Mikolo mingi eleki, mokonzi ya basali wana azongi, pe abengi basali na ye, po bálakisa ye ndenge basalaki na mbongo na ye.

Kotuna bana:

- Tango boni elekaki Sima ya makambo oyo? (Tango ebele)
- Mokonzi ayaki kosala nini? (Kozonga)
- Sima ya kozonga, asalaki nini? (Abandaki kotanga mbongo na Yé ná bango. Elingi koloba ete, Asengaki bango rapport ya mbongo wana.)
- Kanisa ete, mokonzi azali koyebisa Yesu. Bato ya Mosala, okanisi ete elakisi nani? (Biso basadi na Yesu.)

Bana basala po na kolakisa nini esalemaki:

Na maboke nyonso ya bana oyo basali ba scenette, mokonzi azonga. Abenga bato ya Mosala, pe asenga bango kopesa ye rapport ya mbongo oyo Apesaki bango.

Bana bayemba pe babina:

Mokonzi azongaki;

Asengaki rapport ya basali

5.6 Bato oyo basalelaki mabende wana, bapesaka rapport ete babakisi mbongo mosusu. Mokonzi azalaki na esengo mingi na bango, ebongo apesaki bango mbongo koleka.

Tangela bana: Matié 25:20-23

20 Mosali oyo azwaki maboke mitano ayei pe alakisi maboke mitano mosusu, alobi: 'Mokonzi, opesaki ngai maboke mitano. Tala, nazwi maboke mitano mosusu likolo.'

21 Mokonzi na ye azongiseli ye: 'Malamu! Ozali mosali ya malamu pe ya botosi. Osali penza mosala po na makambo ya mike; bongo nakopesa makambo minene na maboko na yo. Yaka epai na ngai, tósepela esika moko.' ^Mosali oyo azwaki maboke mibale ayei pe alobi: 'Mokonzi, opesaki ngai maboke mibale ya mbongo. Tala, nazwi maboke mibale mosusu likolo.'

23 Mokonzi azongiseli ye: 'Malamu! Ozali mosali ya malamu pe ya botosi. Osali penza mosala po na makambo ya mike; bongo nakopesa makambo minene na maboko na yo. Yaka epai na ngai, tósepela esika moko!'

Kotuna bana:

- Moto oyo azwaki 500, tango azongisaki 1,000, nini ezalaki eyano ya mokonzi na Yé? (Azalaki na esengo na mosali wana, po alakisi ete azali moto oyo bakoki kotiela motema. Mokonzi apesaki mosali wana mbongo mingi lisusu.)

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

- Moto oyo asalelaki 200 po na kozwa 100 mosusu, eyano nini oyo mokonzi apesaki po na Yé? (Ndenge moko. Azalaki na esengo mingi po na Yé, pe apesaki mosali wana mbongo mingi lisusu.)

Tuna bana oyo bakolá:

- Bokeseni nini omoni na eyano oyo mokonzi apesaki bato oyo mibale? (Ata bokeseni moko te. Mokonzi apesaki eyano kaka ndenge moko.)
- Kanisa. Pona nini eyano ezalaki kaka ndenge moko, atako mosali moko abakiselaki ye 500 pe mosali mosusu abakisalaki ye kaka 100? (Po bango nyonso mibale basalelaki malamun oyo mokonzi na bango apesaki.)

Bana basala po na kolakisa nini esalemaki:

Na maboke nyonso ya bana, mokonzi asenga rapport ya oyo apesaki na basali na Yé. Moto ya 500 aloba ndenge asalelaki yango pe 500 mosusu oyo abakisaki.

Mokonzi azali na esengo mingi pona Yé, apesi mosali wana mbongo mosusu. Ndenge moko na mosali oyo azwaki 200, aloba 100 mosusu oyo abakisaki. Mokonzi azali na esengo na Yé pe, apesi mosali wana mbongo mosusu.

Bana bayemba pe babina:

Moto oyo azwaki 500,
Asalelaki yango.
Azwaki 500 mosusu,
O lala, lala !

Tango apesaki
Rapport na mokonzi
Azalaki na esengo
Abakisaki mbongo mosusu.

Moto oyo azwaki 200,
Asalelaki yango.
Azwaki 100 mosusu,
O lala, lala !

Tango apesaki
Rapport na mokonzi
Azalaki na esengo
Abakisaki mbongo mosusu.

5.7 Mokonzi azalaki na esengo te na moto oyo abombaki likabo na Yé.

Tangela bana: Matié 25:24-29

24 Na sima mosali oyo azwaki liboke moko ya mbongo ayei pe alobi: 'Mokonzi, nayebaki 'tè ozali moto moko ya matata: obukaka mbuma ata oyo okoni té.

25 Nabangaki, yango wana nakendeki kobomba mbongo na yo na se ya mabelé. Tala; mbongo na yo yang'oyo.'

26 Mokonzi na ye azongiseli ye: 'Mosali mabe pe ya goigoi! Oyebaki 'tè nabukaka mbuma ata oyo nakoni té; "bongo ebongaki ótia mbongo na ngai na banque, boye lokola nazongi nalingaki kokende kokamata yango ná benefisi. Bóbotola ye liboke ya mbongo wana pe bópesa yango na moto oyo azali na maboke zomi.

29 Pamba té, moto oyo azali na biloko mingi, bakobaki-sela ye mosusu; kasi oyo azali na biloko mingi té, bakobotola ye kutu ata ndambo oyo azali na yango.

Kotuna bana:

- Mosali oyo abombaki mbongo ya mokonzi na mabele, tango apesaki rapport na Yé, abandaki ndenge nini? (Alobaki ete: 'Ngai nayebi ete azalaka ndeko moko ya pasi; Obukaka mbuma na esika oyo okonaki te, ozwaka mbuma na esika oyo obongisi yango te.')
- Pona nini abandaki ndenge wana? Okanisi nini? (Kopesa excuse. Koloba lokola ozalaki kopesa faute na mokonzi ete asalaki eloko te kosalisa biloko oyo mokonzi apesaki yo.)
- Azongisaki mutuya boni na mokonzi na Yé? (100, kaka ndenge moko lokola azwaki.)
- Boni, mokonzi azalaki na esengo po azongisaki mbongo na Yé ndenge moko lokola azwaki yango ? (Ezali bongo te ata muke.)
- Mokonzi ayebisaki ye ete atako azalaki na kobanga, alingaka kosala nini ná yango? (Kotiya yango na banque po azwa yango lisusu ná ndambu ya interet.)
- Mokonzi asalaki nini? (Alongolaki mbongo wana na Yé ; apesaki yango na moto oyo azalaki na 1,000 deja.)

Bana basala po na kolakisa nini esalemaki:

Na maboke nyonso ya bana, mokonzi asenga rapport ya mosali oyo apesaki na moto ya 100.

Mosali wana alakisa kobanga mingi, azongisa kaka 100 wana, andima ete asalelaki yango te, kasi ye kaka abombaki yango na libulu.

Bana bayemba pe babina:

Moto oyo azwaki 100,
Asalelaki yango te 'ta muke.
Azongisaki rapport
Kaka nasoni. Soni !

5.8 Mokonzi abwakaki ye libanda pe alongolaki ye na mosalu, atako alelaki mingi.

Tangela bana: Matié 25:30

30 Bóbwaka mosali oyo ya pamba-pamba na libanda, na molili, esika balelaka pe batiaka mino."

Kotuna bana:

- Na suka mokonzi asalaka nini na mosali oyo asalelaki te oyo mokonzi apesaki ye? (Alongolaki ye na mosala, Abwakaki ye libanda, ayokelaki ye mawa te.)

Bana basala po na kolakisa nini esalemaki:

Na maboke nyonso ya bana, mokonzi abengana moto oyo asalelaki mbongo na Yé te. Moto wana alela mingi, pe abima. Sima, bana nyonso bazonga na esika na bango.

Kosilisa:

Bible ebisi biso bakristu ete Nzambe apesa mokristu nyonso makabo. Bakristu mosusu bazwa moko, mosusu me bazwa koleka. Kasi biso nyonso tozwaa makabo. Nzambe apesa biso bamakabo wana po tosalela Ye. Soki tosaleli oyo Nzambe Apesa na nzela moko ya koyika mpiko, Nzambe akobakisa biso lisusu.

Kasi, soki tosaleli yango te, Akoki kolongola ata oyo tozali na yango. Nyonso esengi ete tozala ya kotelema ngwi na oyo Nzambe Apesa biso. Kanisa mwana Yordani na histoire tobetaki na ebandeli ya classe. Nzambe Apesaki ye nkona. Soki asalelaki nkona wana, nzete ya kitoko elingaki ebima, pe mbuma ya elengi elingaki ekola. Kasi lokola asalelaki te nkona wana, Nzambe Alongolaki ye nzela ya kofanda na mbuma ya elengi na kolia.

Devoir po na bana oyo bayambi Yesu:

Bino bana oyo boyebi ete botia motema na Mokonzi Yesu Kristu, devoir nazali kopesa bino lel'oyo, yang'oyo: Kanisa nini Nzambe Apesa yo. Okoki kozala na biloko. Okoki kozala mayele. Okoki kozala na likambo moko oyo olingi kosala, pe ozwaka yango na lombangu. Koma makabo nini omoni ete Nzambe Apesa yo. Sima, luka lollenge ya kosalela makabo wana.

Kobenga bana oyo bayebi Yesu nanu te:

Makambo oyo na sololi lel'oyo ezali po na bakristu, pona baoyo bayebi ete batia motema na Yesu Kristo lokola Mobikisi na bango. Soki oyebi makambo wana te, okoki kokata yango lel'oyo. Yesu alaki ete Akoboya te moto nyonso oyo akoya na Yé (Yoane 6:37b). Yaka na Yé lel'oyo po obikisama. Soki olingi moto asalisa yo na likambo wana, Sima ya classe, tango bato mosusu bakobima, yo kobima te, kasi yaka kofanda awa na bakiti oyo nazali kolakisa. Moto akoya kosalisa yo, pe biso nyonso tokozala na esengo ete yo pe okomi mukristu!

===SUKA YA LESON 5===

Leson 6. Lisese etali bomoi sima ya kufa ya Bato mibale oyo bakufaki Luka 16 :19-31**Kokoba Devoir ya poso eleki:**

Na poso eleki, topesaki bino bakristu devoir ya kokanisa pe kokoma makabo nini Nzambe Apesa yo. Nani akoyebisa biso makabo nini okomaki? [*Moniteur, pesa bana mwa-tango ya koloba.*] Bino oyo bokomaki likabo moko Nzambe Apesa bino, boni, bosalelaki yango ndenge nini na poso oyo eleki? [*Moniteur, pesa bana mwa-tango ya kutuba. Feliciter baoyo bazali komeka kosala devoir oyo Nzambe Apesa bango.*]

Tina ya Leson oyo:

Na SUKA YA LESON oyo, bana bakososola ete bisika sima na kufa ezali mibale, pe ndenge ya kobongola esika sima na kufa ezali te. Yango wana, basala makasi ya koyeba ete basila kobika, pe esengeli bayebisa Sangu Malamu na bandeko po bangope bakoka kobika.

Verset ya Koyekola:

36 Moto oyo andimi Mwana, akozwa bomoi ya seko; oyo atosi Mwana té akozwa bomoi ya seko té, kasi akotikala seko na etumbu ya Nzambe." Yoane 3:36

Banzembo oyo ezali kotambola nzela moko ná leson oyo :

Soki oyebi ete Obikà
Kende Nord, Kende Sud
Yaka na Yesu Kristu

Nazali na ndako Kitoko
Esika ya Esengo eza na Lola

Ebandeli ya Leson:

Molakisi moko atunaki bana na classe na Yé, « Nini ekosalema sima na kufa ya moto? » Vanisi akanisaki yango mingi, Po koko na Yé akufà, pe mama na Yé azalaki na maladi ya makasi. Biyano ezalaki mingi ndenge na ndenge, makanisi ya bana. Mwana moko alobaki ete soki moto akufi, makambo nyonso esili. Ayebi lisusu ata eloko moko te. Vanisi alingaki makanisi wana te, po soki ezalaki bongo, akomona koko na Yé lisusu te.

Mwana moko mosusu alobaki ete bato nyonso bakokende na lola kaka, esika mosusu ezali te. Vanisi alingaki yango liboso, kasi sima , akanisaki ete soki bato nyonso bakokende na likolo, elingi koloba ete bato mabe mingi bakozala kuna. Ndenge nini lola ekoki kozala kitoko pe malamumu, soki bato mabe mingi bazali kuna, pe bakosala mabe na bango?

Mwana mosusu alobaki ete lola pe lifelo ezali, pe esika na kati-kati pe ezali. Alobaki ete, na esika wana, Nzambe Akopesa bato etumbu pona masumu na bango, pe sima, bakoki kokende

na likolo. Esika na kati-kati ya lola na lifelo? Vanisi akanisaki te Malakisi oyo ezali na kati ya Bible.

Mwana mosusu alobaki ete sima ya kufa, moto akokoma ndenge moko ná biloko nyonso. Mosusu alobaki ete sima ya kufa, bato bakokoma ba anjelu. Mosusu alobaki ete sima ya kufa, bato bakokoma banzambe.

Makanisi ezalaki ebele. Ndenge nini Vanisi akoki koyeba nini ezali makanisi oyo ezali ya solo?

Yesu alobaki lisese moko oyo ezali kolakisa ya solo, nini ezali kosalema tango bato bazali kokufa. Bato mingi babengi yango "Lisese ya mozwi moko ná mobola Lazare." Tomoni yango na Luka mokapo 16, nzela ya kotanga 19.

Bamakanisi ya Leson oyo na biteni 7:

6.1 Bato mibale bazalaki—mozwi, moko oyo omoi ezalaki kitoko, ná Lazare, oyo bomoi ezalaki ya pasi.

Tangela bana: Luka 16:19-21

19 "Na mboka moko ezalaki na moto moko ya mbongo; ye azalaki kolata bilamba ya kitoko pe ya talo; mikolo nyonso azalaki kolia malamú lokola nde azali na feti.

20 Pe moto moko ya kokelela azalaki kolala na porte ya ndako na ye, kombo na ye Lazare; nzoto na ye etondá na bapota.

21 Azalaki kaka kozela mwa-ndambo ya biloko oyo moto ya mbongo atikaka. Ata kutu bambwa ya maboma ezalaki koya kolembola bapota na ye.

Kotuna bana:

- Bomoi ya mozwi ezalaki ndenge nini? (Bilamba ya kitoko, kolia ya kitoko mikolo nyonso.)
- Bomoi ya mobola to mozangi Lazare ezalaki ndenge nini? (Nzoto pasi na bapota mingi, kolia pasi.)
- Bato oyo mibale, babikaki mosika to pembeni bango na bango ? (Pembeni)

Bana basala po na kolakisa nini esalemaki:

Bana balakisa maboko mibale pona kolakisa bato mibale na lisese. Mozwi azalaki na bomoi ya kitoko. Bosimba loboko moko lokola na bolingo. Mobola Lazare azalaki na bomoi ya pasi. Babeta loboko moko pe loboko mosusu.

Bana bayemba pe babina: (Ton ya anglais, Go In & Out the Windows, lokola na "Yaka na Yesu Kristo")

Bato mibale bazalaki
 Mozwi ná mobola
 Moko bomoi ya malamumu
 Moko bomoi ya pasi
 Bato mibale bazalaki
 Ndenge moko te.

6.2 Bato oyo mibale bakufaki, ebongo bakendeki na bisika mibale ya ndenge mosusu.

Tangela bana: Luka 16:22

22 "Moto ya kokelela akufi, pe ba-anjelu bamemi ye na Likolo na esika ya lokumu, pembeni ya Abraham. Moto ya mbongo ayei kokufa, bakundi ye;

Kotuna:

- Tango mobola akufaki, nani ayambaki ye? (Ba Anjelu na Nzambe)
- Bamemaki ye wapi? (Pembeni na Abraham, tata ya kondima)
- Nini esalemaki tango mozwi akufaki? (Bato bakendeki kokunda ye.)

Bana basala po na kolakisa nini esalemaki:

Bana basala bageste lokola bazali Lazare oyo akufi, bamoni ba Anjelu bazo'ya kozwa bango, komema bango na esika ya esengo.

Bana bayemba pe babina:

Mozwi wana akufaki
 Akendeki na pasi
 Mobola wana akufaki
 Ayokaki malamumu
 Bango mibale bakufaki, bakendeki
 na eisika moko te!

6.3 Mozwi azalaki na esika ya pasi mingi, ebongo alukaki moto ya kosalisa ye.

Tangela bana: Luka 16:23-24

23 bongo azalaki komona pasi mingi na lifelo. Atali na likolo, amoni Abraham mosika, ná Lazare afandi pembeni na ye.

24 Abeleli ye: 'Tata Abraham, yokela ngai mawa. Tinda Lazare átia songe ya mosapi na ye na mai, pe átangisela ngai yango na lolemo, pamba té nazali komona pasi mingi na móto oyo.'

Kotuna bana:

- Mozwi oyo akufaki, boni, na kufa ayebaki nini ezalaki kosalema, to ayebaki te? (Ayebaki ete azalaki na pasi, pe ye pe ayebaki ete mosika te akokufa pe akozala lisusu malamumu.)

- Mozwi amonaki ndenge nini na esika oyo akendeki? (Amonaki pasi mingi na mokili na baweyi.)
- Amonaki nani mosika na ye? (Abraham ná mobola Lazare pembeni na Yé)
- Asengaki Abraham nini? (Kotinda Lazare amemela ye mayi kaka ata ndambo muke.)
- Azalaki komona pasi na ndenge nini? (Pasi na moto.)

Bana basala po na kolakisa nini esalemaki:

Bana balela lokola bazali na pasi ya mingi. Babenga ete, « O, salisa Ngai! »

Bana bayemba pe babina:

Mwama alelaki

Alelaki na pasi

Mozwi alelaki

O, salisa Ngai!

6.4 Makoki ya kobalola bisika ezali te Sima ya kufa.

Tangela bana: Luka 16:25-26

25 Abraham azongisi: 'Mwana na ngai, kanisa 'tè ozwaká bomengo mingi tango ozalaki na bomoi, kasi Lazare azalaká komona kaka pasi. Sik'oyo mawa na ye esili, pe yo okómi komona pasi.

26 Omoni kutu, libulu moko ya monene ezali na kati na biso ná bino. Yango wana, bato oyo balingi kolongwa awa po baya epai na bino bakoka té; pe moto moko té akoki kolongwa kuna po áya epai na biso.'

Kotuna bana:

- Abraham azongisaki nini? (Liboso ozalaki kobika na esengo kasi Lazare na pasi, kasi sik'oyo, ebaluki; ozali komona pasi pe azali malamumu.)
- Pona nini Lazare to moto mosusu na esika malamumu akoki te koya kosalisa ye oyo ozalaki na esika ya pasi? (Po libulu monene ezali kokabola bango.)

Bana basala po na kolakisa nini esalemaki:

Bana balakisa loboko moko, mozwi azali kuna.

Balakisa loboko mosusu, Abraham azali kuna ná Lazare.

Batombola pe bakitisa maboko mibale na liboso na elongi na bango kolakisa libulu monene na kati na bango.

Bana bayemba pe babina:

Abraham azongisaki

Pardon, makoki ya kosalisa yo ezali te!

Abraham azongisaki

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Pardon, makoki ya kosalisa yo ezali te!

Libulu monene ezali

Libulu monene ezali

Libulu monene ezali

Na kati na yo ná ngai.

6.6 Mozwi alingaka moto ayebisa bandeko na Yé, po bay ate na esika wana ya pasi.

Tangela bana: Luka 16:27-28

27 Moto ya mbongo alobi: 'Tata, soki bongo, nabondeli yo, tinda Lazare epai ya fami na ngai,

28 pamba té natiká bandeko mitano; ákende kokebisa bango po bango baya té na esika oyo ya pasi.'

Kotuna bana:

- Sima mozwi asosolaki ete akoki kobalola esika to kozwa lisungi Sima na kufa, alingika ete Abraham asala nini? (Kende koyebisa bandeko na Yé po babongola, baya te na esika oyo ya pasi.)
- Soki moto akei na lifelo, akolinga bandeko nyonso balanda ye na esika wana? (Ezali te. Akolinga te bango kokende kuna.)

Bana basala po na kolakisa nini esalemaki:

Bana nyonso basala lokola bazali kobondela moto akende koyebisa bandeko po babongola makanisi po ete baya na esika ya pasi te.

Bana bayemba pe babina:

Alingaka bandeko

bakende te kuna na lifelo

Alingika bandeko

Kobongola makanisi!

6.7 Bible ezali oyo kaka ekoki koyebisa bango.

Tangela bana: Luka 16:29-31

29 Kasi Abraham azongisi: 'Bayebi Mibeko ya Moize ná batoli ya bapofete; bátosa yango.'

Kotuna bana:

- Abraham alobaki ete bandeko na Yé, bazali koyoka nini? (Mikanda ya Moize pe ba profete. Oyo alingi koloba, bazali koyoka Malakisi ya Bible.)

Tangela bana :

30 Moto ya mbongo alobi: 'Té, tata Abraham. Wana ekoki té. Kasi soki moto moko oyo akufá akei epai na bango, bakobongola mitema.'

31 Kasi Abraham azongiseli ye: 'Soki balingi koyokela Moize té ná baprofete, bakondima pe té ata soki moto akufá asekwi.' "

Kotuna bana:

- Muzwi na lifelo, Alingaki nini pona na bandeko na Yé ? (Amonaki lokola babongola motema soki moto oyo akufaki (muweyi oyo akufa akei koyebis kusongisa bo.)
- Sambu na nini Abraham ndimaka te makanisi yina ? (Soki bo kuwa te Maloba na Nzambe, bakoyoka te ata moto akufa akei na bango.)

Bana basala po na kolakisa nini esalemaki:

Tuna bana ete bandeko esengeli bayokela nani? Bapesa eyano: Bible! Mokanda na Nzambe !

Bana bayemba pe babina:

Yemba moko ya banzembo etali Bible, lokola 'Bibila! Mokanda na Nzambe!' To 'Koyoka Bible !, Tanga Bible !'

Kosilisa Leson:

- Na lisesse oyo, Yesu Ateyaki ete Sima ya kufa, bisika ezali boni? (Kaka mibale. Esika malamumu pe esika ya pasi.)
- Sima ya kufa, boni, moto akoki kolongwa na esika ya pasi pe akende na esika malamumu? (Ezali bongo te. Libulu monene ezali kati-kati na bisika oyo mibale.)
- Po bato baya na esika malamumu, esengeli bayoka nini? (Malakisi ya Maloba na Nzambe, Bible.)
- Soki tolingi kbika, tobongola mitema tango nini? (Sek'oyo wana tozali na bomoi)
- Soki tolingi bandeko mosusu baya na esika ya malamumu Sima ya kufa na bango, toteya bango Sango na Yesu tango nini? (Tango oyo bazali na bomoi.)

Devoir po na bana oyo batie dezia motema na Yesu:

Devoir nazali kopesa bino bana oyo boyebi Yesu yango oyo: Na poso oyo, kabola lisesse oyo na bato mibale, ebongo senga bango soki bayebi ya solo ete, soki bakufi, bakokende na lola. Soki baling kotia motema na Yesu, yo moko mema bango, tope senga pasteur to na ngai tosolola ná bango.

Kobenga bana oyo batia motema na Yesu nanu te:

Ye moko, omoni ndenge nini? Soki kufwa eye lel'oyo, boni, oyebi ya solo ete esengeli okende na lola? Soki makambo wana epesi yo motema ekenze, okoki kokata likambo oyo lel'oyo. Nzambe alingi yo mingi, kasi probleme ezali ete biso nyonso tokei na nzela na biso moko. Toponi nzela ya Nzambe te. Tosali masumu.

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Nzambe akoki kondima te bato ya masumu bo akota likolo. Yango wana Apesaki Mwana na Yé Yesu Kristo, ayaki na mokili na biso. Ata asalaki mabe te, Yesu akufaki pona kofuta niongo nyonso ya masumu na biso. Ye pe asekwaki na kufa. Azali na bomoi po na kosalisa biso lel'oyo tango tozali kobenga kombo na Yé.

Bible elobi ete moto nyonso oyo akobenga kombo na Yé po na kobika, Nzambe akobikisa ye (Roma 10:13). Benga kombo na Yé sik'oyo. Yebisa ye ete ozali moto ya masumu, kasi ondimeli Ye, ebongo senga abikisa yo. Akosala oyo alaki! Akobikisa yo, Akolimbisa yo, Akopesa yo bomoi ya sika, bomoi ya seko na seko. Akokomisa yo mukristu ya solo. Soki okati likambo oyo lel'oyo, nakozala na esengo ya koyeba yo. Kaka yebisa ngai Sima ya classe po nakoka kosepela ná yo.

===SUKA YA LESON 6===

Leson 7. Lisese etali eyano na biso na Maloba na Nzambe - Bana mibali mibale oyo Tata atindaki na bilanga. Matié 21:28-32

Kokoba Devoir ya poso eleki:

Na poso eleki, tosengaki bino bakristo kolakisa bato mibale lisese oyo toyekoli, pe kotuna soki batie motema na Yesu. Nani asalaki yango? Nani amemaki moto na Yesu? Nani akoyebisa biso ndenge elekaki?

Tina ya Leson oyo:

Na SUKA YA LESON oyo, bana bakososola ete tango tozali koyoka Maloba na Nzambe, ebongi te kaka kondima yango na munoko, kasi kondima yango ya solo ezali kosala yango. Yango wana, bakosala makasi na kosala oyo bayokeli na Maloba na Nzambe.

Verset ya Koyekola:

17 Kasi moto azali na mayele oyo euti na Nzambe, azali moto ya motema pembe, aswanaka té, afandaka na boboto pe na kimia, ayokelaka bato mawa, asalaka makambo ya solo pe ya malam, pe akosaka bato ata moke té. Yakobo 4:17

Banzembo oyo ezali kotambola nzela moko ná leson oyo:

Bibe! (Verse ya mibale)

Soki oyebi, zongisa eyano (Sala molende na 'Bomoi ekolakisa')

Kumisa Nzambe (Verse ya mibale—'Tosa lelo')

moi Muke na Ngai

Ebandeli ya Leson:

Mwana-mwasi na kombo ya Gloria azalaki na esengo alongaki bana nyonso na competition ya ba verse ya Bible. Gloria ayekoli ba verse 300. Ya solo, asalaki makasi ya koyekola yango, pe

alobaki nyonso kozanga kobosana. Ata hesitation moko ezalaki te. Eyebaki nyonso kaka malamumu—maloba nyonso. Bato nyonso bapesaki ye felicitasion.

Pasteur aye na ndako ya Gloria kopesa ye ba felicitasion. Sima, alobaki ete, « Gloria, na kati ya baverse oyekoli, ezali na ba verse oyo elobi ete bakristo esengeli bazwa batisimi. Ezali ndenge moko koyebisa bato nyonso ete biso tosili kotiye motema na Yesu. Ozwi nanu batisimi te, ebongo natuna yo lel'oyo soki olingi komilengele, soki bongo, okozwa batisimo.

Gloria ayanolaki na lombangu. "Te. Banninga na ngai, bomona yango lokola makambo moko bizar. Bokosola yango te soki bozwi batisimi."

Pasteur alobaki ete, "Soki basosoli te, limbolela bango. Ezali ndenge ya malamumu oyo tokoki kolakisa bango kondima na yango."

Basololaki mingi, kasi na suka Gloria aboyaki na ye kaka. Kanisa. Asimbaki na motema baverse oyo etali batisimo. Olobaki bango na munoko ezangi mbeba. Kasi Alingaki te kosala oyo baverse wana elobi.

Eyano nini Yesu alingi pona Maloba na Yé? Koloba kaka na munoko, ekosepelisa Yesu?

Yesu alobaki lisese moko pona kolakisa makanisi na Yé pona bango oyo balobi na munoko. Kasi bakotosa to bakosala te nini balobi. Mokanda ya Matié, mokapo 21, nzela ya kotanga 28.

Makanisi minene ya Leson na biteni 6 :

7.1. Bato oyo bayebaki Maloba na Nzambe mingi bayaki pona komeka Yesu, pona kokanga Ye na bamaloba na Yé.

Tangela bana: Matié 21:23

23 Yezu akoti na Ndako ya Nzambe pe abandi koteya bato. Bongo bakonzi ya banganga-Nzambe ná bambuta-muntu ya ekolo bayei penepene na ye pe batuni ye: "Epai wapi ozwi bokonzi ya kosala boye? Nani apesi yo bokonzi yango?"

Kotuna :

- Nani ayaki kotuna Yesu wapi azwaki bokonzi na Yé? (Banganga-Nzambe na bampaka mosusu ya Bayuda. Bazalaki batambwisi na kati ya Bayuda, pe bato oyo esengelaki bayeba Maloba na Nzambe mingi.)
- Atako bayebaki Maloba na Nzambe mingi, bazalaki komeka Yesu pona kokanga Ye na bamaloba na Yé. Oyo elakisi nini pona mitema na bango? (Mitema na bango ezalaki ya solo te. Balingaki te kolanda Yesu, kasi kokanga Ye.)

Bana basala po na kolakisa nini esalemaki :

Bana batuna bango na bango ete, "Nani apesaki yo bokonzi? »

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Bana bayemba pe babina:

Nani apesaki Yesu bokonzi oyo asalelaki? Nani apesaki Yesu bokonzi ya koteya ?

Ozalaki Tata na Yé na likolo!

7.2. Tata moko azalaki na bana mibale ya mibali. Ayebisaki mwana ya mokolo akende kosala na bilanga na Yé.

Tangela bana: Matié 21:28

28 Yezu alobi lisusu: "Bokanisi nini po na makambo oyo: Moto moko azalaki na bana mibale ya mibali. Abengi ya liboso pe alobi na ye: 'Mwana na ngai, lelo kende kosala na elanga ya vinu.'

Kotuna bana:

- Tata azalaki na bana ya bakala boni? (Bana mibale.)
- Ayebisaki kulutu kosala nini? (Kende kosala na Elanga na Yé.)

Bana basala po na kolakisa nini esalemaki :

Bana balakisa misapi mibale. Baloba ete, 'Bana mibale ya mibali.'

Balakisa loboko lokola 'kokende', pe baloba ete, 'Kulutu, kende kosala na Elanga.'

Bana bayemba pe babina:

Yoka lisese oyo: Tata moko azalaki na bana mibale.

Ayebisaki na oyo ya liboso nde, 'Kende kosala na Elanga.'

7.3. Liboso, aboyaki. Kasi sima, abongoli makanisi; akendeki kosala.

Tangela bana: Matié 21:29

29 Mwana azongisi: 'Naboyi'. Kasi na sima abongoli makanisi pe akei kaka.

Kotuna:

- Eyano nini apesaki liboso? (Liboso, alonbaki 'Nalingi te.'
- Sima, asalaki nini? (Abongolaki makanisi, akendeki na Elanga.

Bana basala po na kolakisa nini esalemaki:

Bana balakisa bageste oyo elobi ete, « Te. » Sima, balakisa bageste lokola bazali kokanisa. Na suka, basala bageste lokola bazali kokende kosala.

Bana bayemba pe babina:

Liboso aboyaki, kasi sima akanisaki

Na suka akendeki kosala na Elanga.

7.4. Leki ayebisaki tata ete akokende kosala na Elanga. Kasi sima koba yango, akendeki te.

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Tangela bana: Matié 21:30

30 Sima ya mwa tango abengi lisusu mwana ya mibale pe alobi na ye ndenge moko. Mwana wana azongiseli ye: 'Ee tata, nakokende.' Kasi akei té.

Kotuna bana:

- Tango tata akendeki ná leki pe asengaki ye kokende kosala, leki apesaki eyano nini? (E, nakokende.)
- Boni, akendeki? (Bongo te. Kaka kolba yango na munoko, kasi asalaki eloko te.)

Bana basala po na kolakisa nini esalemaki:

Bana basala moko-moko, moko tata moko mosusu mwana ya leki. Tata asala bageste pe alakisa mwana ete, 'Kende sala na bilanga na ngai.'

Mwana ya liboso andimaki ete « Ee, tata, nakokende. » Sima abandi kokanisa. Na suka, akataki ete akokenda te. Afandaki kaka.

7.5. Yesu atunaki bato, « Nani asalaki mokano ya Tata na Yé ? » Bazongisaki ete, « Kulutu wana. »**Tangela bana:** Matié 21:31a

31a Nani na kati ya bana wana mibale asali makambo tata alingi?" Bango bazongisi: "Mwana ya liboso."

Kotuna bana:

- Yesu atunaki nini likolo ya makambo oyo esalemaki? Yesu atunaki, 'Na kati ya bandeko wana mibale, nani asalaki mokano ya tata ?'
- Nini ezalaki eyano na bango? (Mwana oyo kulutu, ye oyo akendeki, ye moto asalaki mokano ya tata.)

Bana basala po na kolakisa nini esalemaki :

Bana basalaki moko-moko, moko Yesu, pe moko bato oyo batunaki Ye. Yesu atunaki na bageste ete, « Nani asalaki mokano ya tata na bango? ». Mwana mosusu azongisa ete, « Mwana wana ya kulutu, po kaka ye kaka asalaki oyo tata asengaka ye kosala. »

7.6. Yesu ayebisaki bango ete bato ya masumu bakokota na bokonzi na Nzambe liboso na bango, po babongola motema, kasi koloba kaka Maloba na Nzambe, kasi babongoli motema te.**Tangela bana:** Matié 21:31b-32

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

31b Bongo Yezu alobi na bango: "Nalobi na bino, ya solo: bafutisi-mpaku ná basi ya ndumba bakokota na mboka ya Nzambe liboso na bino."

32 Pamba té Yoane Mobatisi ayaki epai na bino po na kolakisa bino nzela ya malamú, kasi bondimelaki ye té. Ndakokande bafutisi-mpaku pe basi ya ndumba bandimelaki ye. Kasi bino, atako bomonaki bongo, bobongolaki mitema té, bondimelaki ye kaka té."

Kotuna bana:

- Yesu alobaki ete nani akokota na Bokonzi na Nzambe liboso na bango? (Bakalaki ya paku pe basi ya ndumba—bato ya masumu.)
- Bato wana ya masumu basalaki makambo nini ya malamú? (Babongolaki motema na Malakisi ya Jean Baptiste.)
- Kasi bato wana bazalaki komeka Yesu, ata bayebaki Bible mingi, boni, babongolaki motema na Malakisi ya Yoane? (Bongo te. Bakobaki kaka na masumu na bango.)

Bana basala po na kolakisa nini esalemaki:

Bana basala moko-moko. Moko asala bageste pe aloba lokola Yesu. Aloba ete, "Basi ya ndumba bakokota na bokonzi na Nzambe liboso na bino."

Mwana ya mibale nde: "Ndenge nini? »

Yesu ete: «Po bozali kaka koyoka kaka, kasi bozali kosala te oyo bozali koyoka. »

Kosilisa Leson:

Koyoka kaka pamba, ezali eloko te. Koloba kaka pamba, to kondima kaka na munoko, ezali eloko te na miso na Nzambe. Makambo minene ezali kosala oyo toyoki. Soki oyoki Maloba na Nzambe, nini ozali koyoka? Boni, ozali kaka koyoka koyeba badetail ya histoire? Boni, ozali koluka kolonga kaka na competition? Boni, ozali kaka koyeba Bible mingi pe ozala champion? To, boni, ozali koluka kopesepelela Nzambe, po ozali kolanda yango? Nzambe azali na esengo soki toyoki, ebongo totosa na maloba na Yé. (Yemba 'BIBLA', verse ya mibale.)

Devoir sambu na bana oyo bayebi Yesu dezia:

Bino bana oyo boyebi Yesu lokola Mobikisi na bino, bino oyo botiye motema dezia na Yé, devoir na zali kopesa beno, yango oyo: Na poso oyo ezali koya, mikolo nionso, botanga to koyoka Maloba na Nzambe. Kasi koyoka pamba te. Mbala nionso bokoyoka Maloba na Nzambe, boyoka, bomituna, "Moninga na ngai nini akoki kotosa na maloba oyo?" Ebongo, sala makasi kosala oyo boyoki.

Kobenga bana oyo bayebi Yesu nanu te :

Kasi na kati na bino akoki kozala mwana oyo ayebi ya solo nanu te ete abikisami. Tango mosusu, oyebi ete otie motema na Yesu nanu te. Esengeli koyeba makambo oyo:

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

- Nzambe asalaki yo, pe Alingi yo mingi. Ozali na valeur na miso na Yé.
- Ata Nzambe alingi yo, lokola biso nyonso, tozali na makambo na Ye. Bible elobi ete biso nyonso tobunga nzela, tolandi nzela na Nzambe te, kasi tozali kokende na nzela na biso moko. "Biso nyonso, tozalaki kotelengana lokola bampate, moto nyonso na nzela na Yé." (Ezaya 53 :6a)
- Suka ya kolandaka nzela na biso moko, ezali liwa (Roma 6:23a). Ezali bonguna na Nzambe.
- Tozalaki te na ndege ya kozonga na Nzambe biso moko, kasi na bolingo monene ya Nzambe, atindelaki biso Mwana na Yé moko, Yesu Kristo.
- Yesu asalaki kaka malamumu, kasi akufaki lokola makabo oyo ekoki kozongisa biso na Nzambe. "Ebongo mokonzi Nzambe atiyaki mabe na biso nyonso likolo ya mutu na Yé" (Ezaya 53: 6b).
- Lokola Yesu azalaki Mwana na Nzambe, liwa ekangaki Ye te, kasi Asekwaki na kufa. Amonanaki ná bato mingi mikolo 40, ebongo mosala na Yé esili, ebongo azongaki na Tata na Yé na likolo, oyo atindaki Ye.
- Yesu azali na bomoyi lel'oyo na luboko na bokonzi ya Tata Nzambe. Akoki koyoka tango tozali kobenga Ye pe kogumbamela ye.
- Soki okobenga Ye lel'oyo na koluka kobika, soki okobongola motema kotika bomoi ya kala, kokota na nzela na Yé na motema na yo mobimba, Akobikisa yo (Roma 10: 13).

Soki olingi koyeba solo ete obikisami, soki osambeli ndenge wana nanu te, landa losambo oyo sik'oyo na motema na yo mobimba:

Tata Nzambe, ngai na landaka nzela na yo te, kasi kaka ya ngai moko. Nasalaka masumu mingi na miso na yo. Limbisa ngai, Nzambe. Lel'oyo na bongoli motema, na lingi nakota na nzela na yo.

Nandimi Yesu Kristo, Ye nde Mwana na Nzambe, oyo Tata Nzambe atindaki. Nandimi ete akufaki pona mabe na ngai, pe akufaki na esika na ngai. Nandimi ete asekwaki na kufa. Na motema na ngai nyonso, nalingi kokota na nzela na Yé sik'awa.

Merci pona pardon ya masumu na ngai. Merci po Olimbisi ngai pe Na biki na ngai sik'oyo. Salisa ngai na kozala mukristo ya malamumu.

Na kombo ya Yesu, Amen !

Soki osambeli losambo oyo lel'oyo, mbala ya liboso, yaka Sima ya Ecodim, pe yebisa ngai ete, « Ngai nayambi Yesu lel'oyo. » Nakobondela po na yo. Esengo mingi na moto nyonso oyo atie motema na Yesu !

===SUKA YA LESON 7===

Leson 8. Lisese etali eyano na biso na Yesu - Ndeko moko adefisaki bato bilanga na ye. Matié 21 :33-41, 43

Kokoba Devoir ya poso eleki:

Na poso eleki, tosengaki bino na poso oyo na koyoka Maloba na Nzambe pe na kosala oyo boyoki. Nani asalaki yango? Nani akoyebisa biso likambo moko oyo boyoka na Maloba na Nzambe, pe moninga nani oyo bomekaki kotosa na yango? [*Moniteur, feliciter baoyo bamekaki kosala yango.*]

Tina ya Leson oyo :

Na SUKA YA LESON oyo, bana bakososola ete Tata Nzambe Atindelaki biso Yesu Kristo, Mwana na Yé. Akosilika na bato oyo bayamba Ye te. Yango wana, mwana nyonso akanisa malamumu soki ya solo ayamba Yesu, pe akobenda bandeko ná baninga mosusu na kosala ndenge moko.

Verset ya Leson ya Lelo:

18 Moto oyo andimeli ngai Mwana, azwaka etumbu té; kasi oyo andimeli ngai té asi'azwi etumbu; pamba té aboyi kondima Mwana se moko ya Nzambe. Yoane 3:18

Banzembo oyo ezali kotambola nzela moko na Leson oyo:

Yaka na Yesu Kristu
Nazali na Ndako Kitoko
Yesu Aza' Nzela

Ebandeli ya Leson:

Mwana moko na kombo ya Robert alingaki ete Moninga na Yé, Kini, aya na Yesu. Robert asambalaki mingi sambu na Kini, kasi azalaki na kobanga kosolula ná ye, kotuna ye soki andimeli Yesu. Robert abandaki na komituna na motema na Yé ete, « Ata Kini ayambaki Yesu to pe te, ekosala nini? Nzambe azali malamumu. Boni, akoki koboya bato kaka po bayambi Yesu te? »

Yesu azalaki kosolula na bato oyo bamona bikamwa na Yé pe makambo oyo ya malamumu nyonso oyo azalaki kosala. Kasi, balingaki te koyamba Ye lokola Mwana-Nzambe. Bandimaki te ete azalaki Mesie-Mobikisi. Abetelaki bango lisese po na kolakisa makanisi oyo Nzambe na likolo na bango. Matié Mokapo 21, nzela ya kotanga 33.

Malakisi Monene ya Leson oyo na Biteni 8:

8.1 Moto moko azalaki na mabele. Adefisaki yango na bato, ebongo akendaki. Na tango ya kubuka mbuma, Atindaki basali na Yé kokamata ndambu na Yé mbuma.

Tangela bana: Matié 21 :33-34

33 "Bóyoka lisapo mosusu: Moto moko azalaki na elanga, akoni banzete ya vinu, asaleli yango lopango, abongisi libulu moko na kati ya mabanga po na kokamolela vinu, pe atóngi ndako moko ya molai po na kokengela yango; sima atii bato ya kofutela, bongo ye akei na mobembo.

34 Awa tango ya kolongola mbuma ekoki, atindi bato na ye epai ya bafuteli ya elanga, po bákende kozwa ndambo ya mbuma.

Kotuna bana:

- Boni, Mokolo-Elanga atekaki elanga na Yé, to akodefisa yango ? (Adefisaki yango.)
- Sima ya voyage ya Mokolo-Elanga, atindaki basali kosala nini? (Kobuka ndambu ya buma na ye esengeli azwa.)

Bana basala po na kolakisa nini esalemaki:

Bana basala bageste lokola bazali mokolo-mabele, azalaki mokapo na Yé ya mbuma ya mabele wana.

Bana bayemba pe babina:

Mokolo-mabele asengaki ndambu na Yé.

8.2 Bato na oyo adefisaki bango elanga, babetaki, pe babomaki basali na Yé, Mokolo elanga.

Tangela bana: Matié 21:35

35 Moko na kati na bango azalaki molakisi-Mibeko, pe alingaki komeka Yezu; bongo atuni ye boye: 36 "Moteyi, mobeko runi eleki mibeko nyonso?"

Kotuna bana :

- Bato oyo badefaki elanga—boni, bayambaki basali oyo mokolo-mabele na esengo ? (Ezali bongo te ata muke.)
- Bato ya mosala tatu na Yé, bo salakaki nini? (Moko, babetaki, moko mosusu babomaki, moko babwakelaki ye mabanga.)

Bana basala po na kolakisa nini esalemaki:

Basala lokola bazali mabanga na basali. (Kasi basala yango ya solo te, kasi kaka na bageste.)

Bana bayemba pe babina :

Basalaki nini na basali ya mokolo-mabele

Basalaki bango kaka mabe.

8.3 Mokolo ya elanga atindaki basali oyo baleki mingi, kasi bato wana basalaki bango mabe ndenge moko.

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Tangela bana: Matié 21:36

36 Kolo ya elanga atindi bato mosusu mingi koleka baoyo ya liboso, kasi bafuteli ya elanga basali bango kaka ndenge moko.

Kotuna bana:

- Mbala ya mibale, mokolo-mabele asalaki nini ya bokeseni? (Atindelaki basali mingi.)
- Bato na ye badefisaki bango mabele, basalaki nini mbala wana? (Basalaki ndenge moko. Bato ya mokolo-mabele batindelaki, basalaki bango mabe pe apesaki bango pasi.)

Bana basala po na kolakisa nini esalemaki:

Bana basala bageste lokola bazali koboya koyamba moto.

Bana bayemba pe babina:

Basalaki basali ya mokolo mabe

Asalaki bango kaka mabe.

Atako bazalaki mingi.

8.4 Na suka atindilaki bango mwana na Yé moko, soki bakotosa ye.

Tangela bana: Matié 21:37

37 Sima na bango nyonso atindeli bango mwana na ye moko, amilobi: 'Bakotosa mwana na ngai.'

Kotuna bana:

- Na suka, mokolo-mabele, atindaki nani? (Mwana na Yé.)
- Mokolo-mabele akanisaki ete bakoyamba ye ndenge nini? (Akanisaki ete bakotosa mwana na Yé.)

Bana basala po na kolakisa nini esalemaki:

Bana nyonso basala bageste lokola bazali kotinda mwana na ye. Baloba ete, "Oyo mwana na ngai. Esengeli batosa ye."

Bana bayemba pe babina:

Na suka atindaki Mwana na Yé.

8.5 Kasi tango bamonaki mwana na mokonzi, babomaki ye na makanisi ete mabele wana, ekokoma ya bango.

Tangela bana: Matié 21 :38-39

38 Kasi tango bafuteli bamoni mwana, balobani bango na bango:

39 *'Tala moto akokóma kolo ya elanga soki tata na ye akufi. Tóboma ye, pe biso tokozwa elanga na ye.'* "Bongo bakangi ye, babwaki ye na libanda pe babomi yé."

Kotuna bana:

- Boni, bayambaki mwana ya mokolo-mabele ? (Ezali te. Bakangaki ye. Babimisaki ye na elanga, babomaki ye pe.)
- Pona nini babomaki mwana ya mokolo-mabele ? (Po bakanisaki ete elanga ekokoma ya bango.)

Bana basala po na kolakisa nini esalemaki :

Bana basala lokola bazali kosimba, bazali koboma mwana ya mokolo-mabele wana.

Bana bayemba pe babina:

A-ya! Babomaki atako mwana ya mokonzi.

8.6 Yesu atunaki nini mokonzi ya elanga akosala na bato wana.

Tangela bana: Matié 21: 40

40 *Sima Yezu atuni: "Bongo tango kolo ya elanga akoya, akosala nini po na basali wana?"*

Kotuna bana :

- Nini Yesu atunaki bango nini bayokaki na lisese oyo? (Mokolo-mabele akosala nini na bato oyo babomaki basali na Yé, bamomaki pe ata mwana na Yé?)

Bana basala po na kolakisa nini esalemaki :

- Bana basala bageste lokola bazalaki kutuna ba question. Batuna bango na bango ete, "Babomaki mwana na Mokonzi. Akosala bango nini?"

Bana bayemba pe babina:

Nini Mokonzi akosala na bato mutindo oyo?

8.7 Bozongisaki eyano ete, 'Mokonzi abomaki bango, Adefaki elanga na bato mosusu.'

Tangela bana: Matié 21:41

41 *Bato bazongiseli ye: "Akoyokela bango mawa té, akoboma bango, pe akopesa elanga na bafuteli mosusu. Bango nde bato bakobanda kopesa ye mbuma na ye na tango ekoki."*

Kotuna bana :

- Bazongiselaki Yesu eyano nini?
(Mokonzi akoboma bango, akopesa Elanga na bato mosusu.)

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Bana basala po na kolakisa nini esalemaki:

Bana basala lokola bazali bakolo-mabele, bazali kopesa yango na bato mosusu.

Bana bayemba pe babina:

Bayebaki ete Mokonzi esengeli apesa bango etumbu.

Esengeli apesa mabele na bato mosusu.

8.8 Yesu ayebisaki bango ete Nzambe akolongola bango na bakonzi na Nzambe pe akopesa yango na bato mosusu, po bandimi te Mwana na Yé.

Tangela bana: Matié 21:43

43 Yezu alobi lisusu: "Yango wana nalobi na bino: bakolongola bino na mboka ya Nzambe pe bakokotisa bato mosusu; bango nde bato bakosala misala ya malamumu po na yango.

Kotuna bana:

- Eyano na Yesu, ezali kolakisa ete esengo oyo ezalaki kotalela nani? (Etableli bango oyo bazalaki koyoka Yesu. Kanisa ete azalaki koloba na bato oyo bandimaki Ye te lokola Mesia-Mobikisi.)
- Na kati ya lisese, okanisi ete mokolo-mabele azali kolakisa nani? (Tata Nzambe)
- Mwana mokolo – mabele elakisi nani? (Yesu, Mwana na Nzambe)
- Basali ya mokolo ya mabele atindaki nanu, bazali kolakisa? (Ba prophete na Nzambe oyo bayaki liboso na Yesu.)
- Bato oyo babomaki mosali na mwana ya mokolo ya mabele? (Bino bato oyo boyambaki te Yesu lokola Mwana na Nzambe, kasi balingaki kufa na ye.)

Bana basala pona kolakisa nini esalemi:

Bana basala lokola bazala Yesu bazali koyebisa bato ete esengo oyo azali kolakisa bango moko. Basala bageste kolakisa mosapi ete: "Bino! Bino! Bino!"

"Nzambe ezali na makasi pona bino boyambi mwana na Yé te!"

Bana bayemba pe babina:

Yesu alobaki lisese oyo

Na bato oyo baboyaki Ye.

Kosilisa:

Bana, Tata Nzambe atindeli biso mwana na Yé ya bolingo, Yesu Kristo. Ayaki po na kobikisa biso. Amonaki pasi po na biso. Akufaki po na biso, pe asekwaki na kufa. Nzambe alingi biso toyamba Ye. Akosilika soki tobuyi Mwana na Yé.

Kobenga bana oyo bayebi Yesu nanu te:

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

Soki oyambi Yesu nanu te lokola Mobikisi na yo, boni, okosala yango lel'oyo? Nazali kozela Sima ya Ecodim. Mwana nyonso ayambi Yesu nanu te, kasi alingi kondima Yesu lel'oyo, aya, nakosalisa ye.

Devoir po na bana oyo bayambi Yesu:

Tango mosusu oyebi ete ozali mokristo. Oyambi Yesu, pe kanisa tango oyo okati makambo wana. Devoir nazali kopesa bino bakristo lel'oyo ezali kotiya bandeko na baninga mosusu na losambo, ebongo koyebisa bato 3 na poso oyo ndenge oyambaki Yesu. Nzambe akosalisa yo.

(Moniteur, kanisa kotika kozela muke Sima ya Ecodim lokola okati yango, kosalisa baoyo balingi koyamba Yesu lel'oyo.)

===SUKA YA LESON 8===

Leson 9. Lisese etali eyano na biso na Yesu – Bato oyo baboyaki koya na fete monene Luka 14 :16-24

Kokoba Devoir ya poso eleki:

Na poso eleki, topesaki bino bakristo devoir koleka bandeko mosusu na losambo, pe kolakisa bato 3 moninga oyo oyambaki Yesu Kristo. Nani ayebisaki bato 3 moninga ayambaki Yesu? Ndenge nini bayambaki litatoli na yo? Soki omonaki moninga te ya kolakisa bato 3, nani ayebisaki ata ndeko moko to bato mibale? Felisitation na bino oyo bazali kosala makasi pona kosala badevoir oyo topesaki.

Tina ya Leson oyo:

Na SUKA YA LESON oyo, bana bakososola ete Nzambe azali kobenga bato nyonso na fête na Yé na likolo, ebongo Moto nyonso esengeli andima to aboya.

Verset ya Koyekola:

"... mokonzi alobi na mosali na ye: 'Kende na banzela oyo ezali na esobe, pe kotisa bato na makasi, po ndako na ngai étonda.'" Luka 14 :23

Banzembo oyo ezali kokende nzela moko ná leson oyo:

Kende Nord, Kende Sud

Yaka na Yesu Kristo

Na zali na ndako Kitoko

Ebandeli ya Leson :

Soki famille na yo esali fete, bokobenga banani? [Moniteur, zela muke pona bana bakoki kopesa eyano.] Ee, bandeko, bato ya famille, baninga. Tango mosusu moto abengi yo na fete na Yé,

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

yango wana, yo pe benga ye na fete na yo. Tango mosusu obengi mokonzi oyo apesaki yo mosala, to mokonzi oyo oLINGI apesa yo mosala.

Yesu abetaki liseke ya ndeko moko oyo basalaki fete. Moto yango azali lokola Nzambe, pe fete oyo Yesu alingi biso kokanisa ezali fete na mokili oyo te, kasi fete monene, fete malamuna na likolo. Luka mokapo 14, nzela ya kotanga 16.

Malakisi Monene ya Leson oyo na Biteni 5:

9.1 Moto abongisaki fete monene pe abengaki bato ete baya kolia.

Tangela bana: Luka 14:16--17

16 Yezu alobi na ye: "Moto moko alingaki kosalisa feti moko ya monene, pe abengisi bato ebele.

17 Awa tango ya kolia eyei kokoka, atindi mosali na ye akende koloba na bato oyo ye abongisaki: 'Bóya! Nasi'nabongisi biloko nyonso.'

Kotuna bana:

- Moto oyo asalaki fete, abengaki bato boni bakoya? (Bato mingi)
- Ayebisaki moto na Yé kosala nini? (Koyebisa bato ete tango ya fete ekoki, baya.)

Bana basala pona kolakisa nini esalemi:

Bageste lokola bazali kolamba bilei na fete; bageste lokola bazali kobenga bato.

Bana bayemba pe babina:

Moto asalaki fete monene.

Abengaki bato ebele.

9.2 Bato nyonso baboyaki koya. Makanisi na bango ezalaki na fete wana te, kasi na misala na bango ya moninga na moninga.

Tangela bana: Luka 14:18-20

18 Kasi bango nyonso babandi kosenga bolimbisi moninga moko. Moto ya liboso alobi na ye: 'Nauti kosomba elanga moko pe nasengeli kokende kotala yango. Limbisa ngai.'

19 Mosusu alobi: 'Nauti kosomba bangombe zomi, pe nakei komeka yango soki ezali makasi. Limbisa ngai.'

20 Pe mosusu alobi: 'Nauti kobala kaka mikol'oyo, yango wana nakoki koya té.'

Kotuna bana :

- Na kati ya bato oyo mokonzi abengaki pe baboyaki koya na fete, bato boni bandimaki koya? (Ata ndeko moko te.)
- Pona nini baboyaki balobaki ete bakoki koya te? (Moko asombi mabele, esengeli akende kotala yango; mosusu asombi bangombe 10, esengeli ameka yango; mosusu asili kobala sikoyo.)

Bana basala po na kolakisa nini esalemaki:

Bageste lokola bazali koboya. Mwana nyonso aloba ete, "Pardon, ngai nakoya te."

Bana bayemba pe babina:

Bato mingi baboyaki. 'Tokoya te, te, te.'

3. Tango mosali apesaki rapport na mokonzi, mokonzi na Yé asilikaki, ebongo ayebisaki mosali kokende koluka bato mosusu na bisika nyonso, kobenga bango na fete na Yé.

Tangela bana: Luka 14:21

21 Mosali azongi epai ya mokonzi na ye pe ayebisi ye makambo nyonso; bongo ye asiliki pe alobi na mosali na ye: 'Kende noki na ba-wenze pe na ba-balabala, pe memela ngai bato bakelelé, bato bakufa makolo to maboko, bato bakufa miso, pe bato ya tengu-tengu.'

Kotuna bana:

- Ndenge nini mokonzi azwaki bansango ete bato mingi baboyaki koya na fete na Yé? (Asilikakaki mingi.)
- Esika nini Mokonzi ayebisaki moto na Yé kobenga bato mosusu? (Na bawenze ná babalabala)
- Mokonzi ayebisaki ye koluka bato ya ndenge nini? (Babola, bato bakakatani to bakufi miso)

Bana basala po na kolakisa nini esalemaki:

Bageste lokola bazali kobenga bato koya.

Bana bayemba pe babina:

Mokonzi abengaki bato mosusu, 'Boya na fete na ngai.'

Mokonzi abengaki babola.

4. Mosali abengaki bato wana, kasi atako bayaki, esika ezalaki kotikala na fete.

Tangela bana: Luka 14 :22

22 Na sima ya mwa tango moke, mosali ayei pe alobi: 'Mokonzi, nasali moninga otindaki ngai, kasi bisika ezali nanu.'

Kotuna bana:

Sambu na kumona baleso ya nkaka ya Kituba (ti bandinga ya nkaka) ya nge lenda sadila na dibundu na nge, tala site yai: www.teachingforafrica.org (un site des "Ministères pour Chaque Enfant.") »

- Boni, mosali atosaki maloba ya mokonzi na Yé? (Ee, asalaki mayè mokonzi ayebisaki ye kosala.)
- Bato oyo abengaki mbala oyo, boni, bandimaki koya, to baboyaki? (Bato oyo bandimaki, pe bayaki.)
- Boni, batondisaki ndako ya fete to te? (Bongo te. Bisika mosusu etikalaki pona bato mosusu.)

Bana basala po na kolakisa nini esalemaki:

Bageste lokola bazali koyamba bato na fete. Bageste oyo ezali kolakisa ete esika oyo etikali.

Bana bayemba pe babina:

Esika mosusu etikali!

5. Ebongo mokonzi ayebisaki ete basali baluka bato mosusu na bisika nyonso, po salle fete na Yé etonda. Baoyo bandimaki, bango bato bakolia, kasi baoyo baboyaki, bakolia te.

Tangela bana: Luka 14:23-24

23 Bongo mokonzi alobi na mosali na ye: 'Kende na banzela oyo ezali na esobe, pe kotisa bato na makasi, po ndako na ngai étonda.

24 Nalobi na bino: na kati ya bato oyo nabengisaki liboso, ata moko té akozwa esika na fete na ngai.' "

Kotuna bana:

- Tango wana, Mokonzi ayebisaki mosali akende wapi pona kobenga bato? (Na banzela monene, pe ya muke oyo ezali na esobe)
- Mokonzi alingaki nini? (Alingaki ete ndako na Yé ya fete etonda na bato.)
- Na suka, nani akolia na fete wana ? (Baoyo bandimaki kobenga ya Mokonzi.)
- Biyano mibala nini bakokaki koloba? ('E, nazali koya, merci'; to 'Pardon, nakoya te.'

Bana basala po na kolakisa nini esalemaki :

Bageste lokola bazali kobenga bato ya bisika nyonso baya na fete.

Bana bayemba pe babina:

Nkolo alingi ndako na Yé etonda! etonda! etonda! etonda!

Kosilisa:

Na lisese oyo, Yesu azali koyebisa biso ete Nzambe azali kosalisa fete monene na likolo. Azali kobenga bato nyonso, kasi nani akolia na fete yango? Kaka baoyo bandimi kobenga na Yé !

Devoir po na bana oyo bayambi Yesu:

Nzambe alingi bato nyonso bazala na fete ná Yé na likolo. Atindeli biso bandimi kobenga bato. Devoir nazali pesa bino bakristo mposo oyo, yango oyo: Kende kobenga ndeko to moninga moko andimela Yesu.

Kobenga bana oyo bayebi Yesu nanu te:

Soki ondimi Yesu Kristo, Mwana na Nzambe, nanu te lokola Mobikisi na yo, yeba ete Azali kobenga yo. Loba kaka 'Ee, Yesu, na ndimi yo lokola Mobikisi pe Nkolo na ngai lel'oyo.' Soki osali yango na motema na yo mobimba, motema yo bosolo, Akobikisa yo. Okozala na fete monene ná Yé na likolo.

===SUKA YA LESON 9 pe Suka ya Mokanda Oyo===

Atasion, moniteur !

Soki odefi mokanda oyo na Centre des Matériels ya 'Ministères pour Chaque Enfant,' zongisa yango na esikawana. Matériels ya sika ezali kozela yo kuna ! Oyo osaleli pe osilisi, ekoki pe kosalisa lingomba mosusu. Merci mingi, pe Nzambe apambola yo.